

辛

卯

侍

行

記

辛卯侍行記卷三

自陝西省城西北至甘肅省城一千四百三十二里

秀水陶保廉

九月初五日在陝省至藩署晤諸幕賓及與圖館友人看

春開所鑿池已有積水碑亭亦畢工挖出殘碑嗜古者寶

之顏魯公書終南山竦峙長安之南距城五里東連二華詩

終南在長西括鳳翔別名太壹山班志太壹古文以為終南山

皆在武功東潘岳關中記終南一名中南在天之中居都

之南辛氏三秦記太一在驤山終南亦名地肺元和志終南

南太一非一山也程大昌雍錄云終南多物產故曰終南

惇物非別有一山也胡融明駁之謂垂山即鄠縣武功境

內太一山之北峰太一垂山皆禹貢惇物蔣氏地理今釋

從之段若膺經韻樓集曰垂篆作取古文作爲形近物豈

古名敦物之故歟保廉按注疏引班氏說均作垂山而史

於大華下索隱云大華卽敦物封禪書正義引括地志水華山古文以爲敦物蓋治水經注之文然終不可曉也

經渭水注太壹亦曰太白西京記長安南山名秦嶺起商雒盡汧隴東西八百里子午谷在城南六十里北口曰

子在長安南南口曰午在漢中洋縣東長六百餘里南山諸谷徑路紛歧近日揚州毛子林鳳枝撰南山谷口攷自

潼關抵寶雞凡一百五十所尤要者三十有一南山西

北有神禾原

交水出其西  
渭水出其東

又西北爲畢原詩經終南箋曰

畢終南山之道名按此爲文武周公所葬之畢原在渭水

南而畢公高所封畢陌則在渭水北

劉向傳文王周公葬於畢潘岳關中記文

王葬畢長安東南有畢原皇覽云文王武王周公冢皆在長安鎬聚東社中括地志云文王武王墓在萬年縣西南

二十八里畢原上原亘長安咸甯二邑故諸書多稱萬年  
西南唐大厯中如願律師纂志云葬長安縣畢原尤畢原  
在長安之證一統志論文王墓從皇覽括地志諸說今咸  
西南二十餘里仁邨俗名聚兒仁邨在原上有大家旁有  
古冢累累其地當鎬東南則與皇覽合疑是文武周公冢  
顏師古注劉向傳謂畢原在長安西北則混入咸陽之畢  
陌宋人竟謂文王武王陵  
在咸陽說傳以至於今

### 長安北路

附

省城北九十里三原縣八十里耀州七十里同官縣九

十里宜君縣七十里中部縣一百四十里鄜州九十里

甘泉縣九十里延安府一百八十里安定縣

驛路東出  
延長縣

一百五十里綏德州八十里米脂縣一百七十里榆林

府

距省一千三百里府東二百五十里神木縣一百七  
十里府谷縣東南渡河四里至山西保德州其東至

代州其東南至太原府西一百六十里懷遠縣二百十

里靖邊縣縣東南一百四十里保安縣一百二十里延安府二百三十

里定邊縣五十里甘肅花馬池靈州東北九十里永興站一

百里清水七十里橫城西渡黃河六十里王鉉驛甯夏府南

五十里六十里大壩甯夏府南七十里渠口八十里石空寺九十

里中衛縣七十里長流水七十里三塘七十里營盤水

六十里白墩五十里紅水甯夏府南一百里大靖堡九十里土

門堡六十里古浪縣合於涼州大道

十三日做裝同行友人朱思齋名承恩湖北人張愚生及伊次子

名宗健又差官三人儘先副將施勇巴圖魯金玉堂蘭益嘉興

人參將汪級二

連陞紹興人因賊聞無事堅求同行

新省撫轅巡捕請補阿

克蘇城守營都司談少江

南人

戈什十二人藍翎防禦

札倫布藍翎驍旗校瑞喜藍翎守備雲騎尉高儀鳳藍翎

千總曾毓球張忠升張成材把總葉承九均新疆撫標人

遠道來接藍翎千總馬昌勝把總杜振國五品軍功魏樹

滋六品軍功石生花袁宏義均陝西撫標令諸人係撫臺派

來將軍都統督撫提鎮等就道所過都會地主必派弁迎

送主若不然客或憾焉客若因辭主亦憾焉積習相沿牢

不可破豈知僕從相隨尚難約束家人如舊雇大車十輛

每輛價十六兩箱內裝書轎車三輛每輛價十一兩均雇至

甘省賞錢自備轎車三輛車夫三名求同行者實繁有徒

時值秋闈揭曉友人不中者未免牢騷余慰之曰寒士生涯半耕半讀無求於世俯仰自如一爲舉人進士便入不敷出皇皇求人內而館閣外而州縣無不擁擠身列仕途潦倒終身者比比皆是友聞余言釋然於懷噫學問品行本與科名無涉而庠序中人以科名概之一若得有科名雖蕩檢踰閑漢不爲恥論其名天下多讀書人論其實天下絕少讀書人儒術之不明久矣近人益競浮囂士農工商皆無所能率謀爲官官多則剝民民貧則思亂如之何如何

十四日已刻自西安浙館起程或謂本日係月忌不可行然月忌人忌行萬里路

安能多所顧忌耶家君坐轎所需轎夫函託各寅友逐站雇換毋

日自發價此謂長轎短夫如雇用長夫慣在衙署當差一切惡習無所不知地方官因上司暫時過境莫

肯直言也又如僕從等由友人推薦而來於主人性情未能深知若輩絕少馴良易染惡習一經覺察便當驅逐或以爲投鼠忌器姑且忍耐者則揣摩過保廉坐車戈什及當矣總之官場以少用人少薦人爲妙

家人或車或騎自備馬二餘則沿途借用 四里西門安名

定唐皇城西垣順義門地也明成化初巡撫項忠引皂河為通濟渠自此入城明季堙涸康熙初賈漢復乾隆中畢沅嘉慶九年方維甸督修濬不久即廢蓋上游民戶漸增田多水少壅之不得長流故易塞也今舊城內有大井台城之人汲飲焉 二里半西郭門郭內有馮恭定公祠公諱從吾明史有傳

邑人柏子俊景偉創議重建 家君護陝撫時奏請列入

祀典 五里金勝寺唐波斯胡寺也宋敏求長安志皇城

斯胡寺太宗為大秦國胡僧立又布政坊亦後訛稱崇聖有胡祿祠武德四年立其地當在今西郭內

長安志崇聖寺在朱雀西第二街崇德坊則在今城正南稍西明成化中秦王題曰崇

仁寺乾隆時巡撫畢沅題曰崇聖寺寺後有金勝鋪故俗

呼金勝寺為西安諸寺之冠同治元年夏回匪屢攻省城



提督馬德昭孔廣順等力卻之近城邨堡多遭蹂躪紳士  
梅錦堂集團勇守金勝寺堡難民挈眷相依六月初四賊  
攻西關錦堂出戰賊繞入寺燒殺男婦數千彼時奏案僅  
云團勇小挫而已去年夏隨友人測量憩此遺老爲余言  
之復於瓦礫中見景教碑頌述大秦國阿羅本以貞觀九  
年至長安十二年太宗爲建寺歷代帝王公卿相繼崇奉  
德宗建中二年大秦僧景淨撰碑頌朝議郎呂秀巖書審  
觀碑文非印度佛教碑文有云聖歷年釋子用壯騰非波斯火教  
波斯火教波斯火教拜祭日月星風火水神九敬日與火今  
物以託宗或禱祀以邀福卽不肯拜非天方摩尼教  
祭偶像之意是景教碑已斥火教矣中稱

摩訶默德出於哥累斯貴族其父母貧又云二歲喪父四  
歲喪母是摩氏有父異於耶穌之無父今碑文云室女誕  
聖於大秦則明李之藻等據爲天主教其或然歟年李之  
非指摩氏矣明李之藻景教碑書後其略曰岐陽同志張廣虞惠寄唐碑一  
幅長安掘地所得曰景教流行中國碑頌其卽利氏所傳  
聖教乎余讀之良然所云室女誕聖卽以天主性接人性  
胎於如德亞國室女瑪利亞而生也至於法洛之水十字  
之持七日一萬悉與利氏傳述規程吻合而今云陡斯碑  
云阿羅訶今云大傲魔魁碑云娑碑皆如德亞國古經語  
唐書拂菻一名大秦又西洋圖志如德亞國東一道其名  
曰大秦羅本從此邦來故以大秦稱其至長安以貞觀九  
年大唐德威遠暨應有經像重譯而來命名景教景者大  
也焰也光明也所疑傳教士曷以僧名則緣彼國無分道  
俗皆髡華人強指爲僧卽利氏之初入五羊也數年混跡  
後遇瞿太素氏乃辨非僧然後蓄髮稱儒觀光上國九百  
九十年前此教流行已久碑文瞻雅可味字亦道媚不俗  
質諸往聖問官問禮何隔華夷云云又崇禎甲申遠西  
陽瑪諾著景教流行中國碑頌正詮一卷其詮三一妙身  
曰三者三位也一者一體也其詮阿羅訶曰如德亞國天

主本號也其詮然立初人曰人類始祖亞黨也又詮三一  
分身乃天主第二位彌施訶乃聖號也又詮波斯棍耀以  
來貢曰主誕時新星發顯距誕處東去二千餘里地名福  
亞臘彼亞有王三人議新星爲天主降生之兆東曉歷十  
三日以破暗府六句曰景日卽主受難之日主旣完贖世之  
工死後三日復活後四日午時當眾騰空故云亭午昇  
眞詮經番二十七部曰斯舉新教經數乃聖史四路加聖  
史一葆祿聖徒十四聖各伯宗徒一伯鐸羅宗徒二若望  
宗徒四達陡宗徒一是也詮印持十字融四焰以合無拘  
曰十字有四極入教者奉十字聖架爲表以法吾主聖愛  
無拘富貴貧賤之等皆必互愛與四方善地之人融澈和  
睦也詮珊瑚海曰紅海或謂利瑪竇東來令教徒僞作此  
也其說繁多不具述

碑以自詡 求志書院課藝金山錢潤道云此碑宋人金石  
內詔令傳習而其事無考碑又言貞觀中賜名大秦寺錢  
竹汀景教考引冊府元龜天寶四載改波斯寺爲大秦寺  
碑文實誤似明人僞撰託爲明時出土

余按貞觀十二年七月爲阿羅本造

寺之敕見於唐會要則碑未必偽

又册府元龜宋次道長安志皆有改波斯寺為

大秦寺之說雖年月未盡符而唐初有景教則可信也

大秦一名犁鞞在海西

後漢書

即羅馬國

西人艾約瑟所輯聖經諸國見於漢書考曰大秦之名西國無之為中國所名也臘丁語呼國

為犁鞞又希利尼亦可變為犁鞞時羅馬西方用臘丁語東方用希利尼語也按四裔編年表東羅馬諸部統稱希

利尼西羅馬今意大利東羅馬今土耳其艾儒略職方外國

紀耶穌生於如德亞國之伯利恆

或作巴勒士或作白冷如德亞或

安低急呼之即猶太國

猶太曾屬於敘利亞國故或云今耶穌生於敘利亞國之安低亞

為土耳其東南境漢書大秦指意大利在歐羅巴洲而猶

太在亞細亞洲本非大秦耶穌未生前六十三年

漢宣帝元康三

年羅馬破猶太都城拂林

即耶路撒冷

猶太既屬羅馬故羅馬

大秦之號越海而加於拂菻教士初來稱波斯僧其大秦

寺亦稱波斯寺者緣波斯爲西域古國四裔編年表立周國在唐堯以前

景王時猶太服屬波斯秦漢時波斯北境爲巴爾的國卽漢書之安息國也艾約瑟曰漢時

西國所謂巴耳低亞其先祖口阿耳撒蓋斯後世梁陳之

三十一君通名之王名遂爲國名其音變安息也波斯

間波斯又屢破東羅馬故猶太西里亞諸國人忽稱波斯

忽稱大秦皆假其上國之名以示大耳周景王時亞喇伯

或音曉說文闕中謂天爲祇後之攷古者或以祇屬婆羅

門教或以祇屬波斯火教或屬諸景教與回教且回教人

亦有自誤爲景教者歐洲人未諳中國掌故資筆墨於華

人各持其先入之見故西人所輯書有稱他國古教爲大

秦教或景教者皆譯者之誤不可據彼說以辨景教之非

天主隋唐之際摩哈默德據亞刺伯國漢條支唐創行回

教也

教猶太多被脅從阿刺伯嗣君兼并波斯東羅馬猶太  
諸部貞觀七年以後正回教摧殘天主教之時教徒四散  
間有東至中國者事亦可信原耶穌創立新教自有救世  
之苦衷欲平視一切非以天爲主不可欲冀人信從不能  
不託之神靈雖矯枉過正亦有流弊而行之泰西自遠勝  
舊教宜歐美各國尊敬弗衰也迫入中國其徒又精天算  
格致之學一時士大夫樂與之遊雖名儒如魏柏樺亦與  
湯若望爲友其贈湯壽  
文有云謂先生爲西海之儒卽  
中華之儒可也其傾倒至此國朝雖曾申禁而海禁  
大開以來傳教一事已載之約章其徒以敬天泛愛爲主  
而力闢佛老及諸術家拘墟之說又多設醫院學堂收養

貧苦其宗旨雖與我聖人之教絕異而較之僧道之誦人財物其損益則殊乃佛氏同爲來自異域之教士大夫究心內典膜拜世尊自非守道至嚴者未聞斥爲名教罪人獨至耶教無論賢愚多生疑忌雖信從者數頗不少而稍知自好者絕少領受洗禮豈真我民能不爲異說所惑哉亦惟中外強弱異勢交涉未得其平蓄怨甚深及禁拜祖先神像之嚴忤我禮俗而又誤視爲與吾向來奸民所習諸邪教相似嫌疑久積無由消釋耳若無以上諸故吾恐流行之廣速必萬倍于佛老也嗚呼吾中國自元明以來聖道久晦俗士忘本幾不知詞科利祿之外別有學問正

氣不足諸病叢生若不昌明聖教雖有至謬極陋之說吾  
士大夫猶將信之何足與耶教相抗况泰西格致政治諸  
學雖發明多在近世與教旨無關而彼土格致哲學名家  
亦憚背教蓋西人謂天主具無窮力量神妙不測雖格致  
之理日明而天堂地獄之說尙未足破之以天主爲在日  
星之外其力至  
大天文家言不能窮之則此事正難以口舌爭要在政府善於外交  
長吏修明政令學士講求實學闡發聖教則耶穌之說何  
妨任其流行試觀日本何嘗受外教之害所可歎者中國  
書生孜孜焉求一身之名一家之利西士反以教化爲已  
責不圖名利不顧身家有古儒者之心余論景教滋自愧



焉或曰彼族自王公以逮農商咸醵財助教士雖極小之  
教堂歲耗數千金學舍書藏壯麗鴻富而我中國官民窘  
於財得財先以佞佛及為浮靡不急之事以故萬戶之縣

鮮備經史釋褐之士難語九邱嗚呼是說也非下士所敢

議矣景教碑跌碑陰有番字直行如𑖀𑖄𑖅𑖆等字非天  
方非唐古特亦非今之洋文西人謂是古叙利亞國

字叙里亞即西里亞在亞刺伯西北今土耳其東南境也金勝寺前平坦龍首原西陲

也寺東北二里為唐休祥坊漢宣帝立奉明縣者也寺西北半里許

為唐京城開道門故址唐京城西門三巾曰金光北曰開  
道南曰延平新唐吐蕃傳開道門

揭侯畧曰西極道九千九十里亭子鋪 五里三橋鎮飯

百里示成人無萬里行也 長安西鄉呼社為廩鎮西南十里為秦阿房故地鎮東北  
三橋廠統四十九邨

二里燕雀門邨爲漢京城西南隅之章城門東北五里爲

未央宮故地

明成化中唐王欲增修宮殿蘭州段容思上詩曰客來向我說關中秦漢於今事不同其

址盡埋深草裏阿房宮與未央宮唐王增修之意乃止鎮東有漓水一名泔水又稱

漕河訛爲皂河

出咸甯南山義谷西北流逕胡公塋鼓爲二一支西流入交水一支西北流爲皂河

至丈八溝有支渠入城今埋正渠西北逕三橋繞長安水故城而入渭此河春夏間農民截水灌田下流常涸

經注泔水入渭之下又東有渭橋燕太子丹求歸秦王爲

機發之橋欲以陷丹

五里泗池鋪

水經注鎬水所合之池當在鋪西南唐

宋以來豐鎬經流五里新店子

長安咸陽五里鹹灘鋪東有七

里豐橋長十餘丈木敷土也

豐水出長安南山豐谷西北流逕鄠縣秦渡鎮東交水自

東來入之又北逕周靈臺東又北逕長安斗門鎮入咸陽界逕豐橋東北入渭三里河南街渭河

之南也

渭水出甘肅渭源縣西烏鼠山東南流逕秦州隴州東北過岐山至興平之段家崖入咸陽界又東

北入長

出堡北門

半里至渭濱俗傳文王造舟爲梁處

或謂有莘氏在郃陽宜循渭北而東不必由咸陽渡渭李輔平毛詩紉義曰至太如家中限兩溝水故造舟余按由

渭北東行先過涇水石川水

秦都渭北咸陽宮渭南作長

造舟未必在郃陽漢水也

樂宮橋通二宮間元和志橋在縣東南二十里當在今長安直北

漢武作便橋

元和志在縣西南十里

唐曰咸陽橋今則冬春有橋夏秋以舟舟平

似筏截渭而北

二里登岸進咸陽縣南門

渭水

住行館

計行五十四里署縣事錢塘張廉泉世祖

咸陽縣夏畢

國

昭公九年景王曰吾自夏以商畢程氏後爲王季所都

程邑

曲稷魏駘芮岐畢吾西土也商畢程氏後爲王季所都

畢程氏大匡解周宅程後人改從卜實當讀程以

別於楚之鄂實應劉端臨經傳小記注孟子者不詳畢鄂  
所在漢地志注及括地志均以咸陽東安陵故城為周之  
程邑此邑中之地為程也皇甫謐云安陵西有畢陌元和  
志畢原咸陽所理南北數十里東西二三百里亦名畢陌  
此邑外之地為畢也畢者程地之大名程者畢中之小號  
周者太王所邑岐之小別也故曰岐周程為王季所邑畢  
之小別也文王初亦居之周為同姓畢國在縣北畢陌閭  
故曰畢程  
畢陌在渭水北者是也謂桓王以後屬於秦史記平王賜  
畢郢在渭水南者非也  
地文公收周餘地岐以東獻之周畢程豐鎬平王時皆未  
屬秦密公徙岐山三年滅蕩杜周桓王之七年也蓋至是  
而豐鎬入秦及武公代孝公至始皇均都之縣東二漢置  
彭戲氏秦境始至華山  
渭城縣右扶風長陵縣城東安陵縣東二十後漢廢渭城  
所治  
晉廢二陵石趙置石安縣苻秦置咸陽郡隋廢唐置咸陽

縣城東北十里秦杜文王陵在縣北十五里武王陵在後  
郵也明始遷今治

成王康王陵在前周公太公墓在文王陵東姬姓裔按太居陵旁

史公謂畢在鎬東南杜中今省城西南畢原史記周本紀集解引

皇覽曰文王武王周公冢在長安鎬聚東杜中正義引括

地志曰文王武王墓在萬年縣今咸甯西南二十八里畢原

上秦本紀集解引皇覽曰秦武王冢在安陵縣西北畢陌

中人以爲周文王冢非也文王冢在杜中始皇本紀正義

引括地志秦惠文王陵在咸陽西北十四里秦悼武王陵

在咸陽四十里俗名周武王陵非也後漢郡國志安陵縣

西北畢陌秦武王冢尙書亳姑序周公薨成王葬於畢正

義引帝王世紀云文武葬於畢在杜南晉書地道記亦云

畢在杜南與畢陌別程大昌雍錄斷從皇覽而斥元和志

之兩歧

元和志周公墓一在萬年西南一在咸陽北

顧亭林日知錄謂當在渭

水之南杜縣之中閤百詩四書釋地謂宋太祖詔祭文王於咸陽北畢陌非也孫淵如問字堂集云唐以前皆云文武周公葬渭水南之畢原今長安西南二十八里也秦惠文悼武葬渭北之畢陌今咸陽陵也文武周公葬於畢皆無邱隴後人致誤之由蓋有五端一以人名地名相同一以祠爲墓一以求文武邱隴不得一以文字傳寫之誤焦理堂孟子正義曰咸陽之畢原所謂文王卒於畢郢也萬年之畢原所謂文王葬於畢也一在渭北一在渭南杜佑

言畢初王季都之後畢公封焉此言在渭北者當矣而以爲文王所葬則失之羣書剖析具有明文惟顏師古注劉向傳用畢陌爲釋而杜亦云然遂皆謬指秦陵誣稱周墓矣孟子趙岐注畢文王墓近豐鎬此言在渭南者當矣以訓畢郢則失之文王始亦宅程詩正義周書稱文王在程作程寤程典後遷於豐而先廟故宮猶存往來茲都末年卒此情事昭然卒於畢郢不言爲葬趙以墓地當之畢地既誤何郢之可言前人多謂文王武王陵不在咸陽而鹹應桐成陽志疏於稽古未詳詳攷縣志古蹟載鎬京及未央宮諸殿實非今縣地又列帝系一門備載西川秦漢帝后不知天潢諸系非郡縣所隸次帝系於寺觀附宦官於帝系尤屬紕謬陽湖董付臣輯長安縣志刪帝系分封諸門最得體要

咸陽西南路 附

出咸陽西門三百一十里鳳翔府西南三十里渡汧水

六十里寶雞縣 城南十五里益門鎮入棧道 二百有五里

鳳縣一百六十五里留壩廳一百九十里褒城縣 漢中

四十里九十里沔縣二百二十五里黃壩驛 甯羌州西 一百五

十里四川廣元縣一百八十里劍州一百六十里梓潼

縣一百二十里綿州一百六十里漢州一百里四川省

城 距咸陽二千一百六十里 又西南三百三十里雅州府一百里榮

經縣一百三十里清溪縣 度鐵索橋西北 三百六十里打箭

鑪西南三百六十里中渡 過鴉龍江即若水原出青海境為瑪楚河南至甯遠會打



沖河又東南入金沙江 八十里剪子灣山有雪 二百三十里裏塘三

百十里大朔山雪 一百六十里巴塘 巴塘西南踰格倫野

一名亞山東通騰越廳西達印度南抵緬甸北通 九十九

布魯克巴在萬山之中英人據之欲開路東出 里竹巴籠

過布壘楚河上流出青海為木魯烏蘇河下 應會打沖河又東北 二百十里南墩 一名甯靜山 一百

至四川敘州入岷江 六十里江卡 過拉克楚河下流至雲南為瀾滄江又南

西入南海西貢駁法國總督流寓 八百五十里察木多

漢人四十餘萬乘至廣東四日程 一名昌都 又西四百九十里嘉益橋 過喀喇烏蘇河東

又名康 江一名潞江又南入緬甸為撒路音江折西南過 一百

英國所屬麻坡班至莫兒編入南海商輪聚焉 九十

里碩般多九百八十里拉里 南有桑楚河東南流 至薄宗城曰薄藏布

河又南踰怒夷界至雲南騰越爲龍川江折西南入緬甸至新街與橫柳江會以下爲大金沙江緬人呼爲伊拉氏底江又千餘里過蠻得勒城阿瓦城通輪舟南至別牟旁有鐵路達漾貢又西南至拔散入海稱拔散江東南分一枝至漾貢一名仰一千有四十里西藏喇嘛所居拉薩城唐書吐蕃傳所謂邏娑也其種人曰土伯特卽吐蕃之轉音舊名衛又烏斯之合音也距成都六千一百六十七里江孜曰法利又九十里仁青岡爲哲孟雄界哲部一名錫金又一百九十里亞東二百二十里噶連魯八十五里宗木拉棒喀有山曰珠拉巴里又二里曰大吉嶺哲部南境英人據此設鐵路南達印度總督所治之加爾各塔祇一日程較成都至前藏必百餘日者利鈍迥殊矣大吉嶺西界廓爾喀唐書之泥婆羅也嶺東二日程至塔西蘇登或作札什曲宗卽布魯克巴之都城也布部一名布丹其軍五三三卽帕克哩光緒十一年英人請互市衛藏藏人不許十四年構兵敗歸乃開市於亞東二百二十五里後藏札什倫布且割錫金全部屬英

噉居此文獻通考前後藏相距五百六十里會典郵政  
衛藏國議均九百里雅魯藏布河出阿里東北東流經  
後藏前藏折南由緬甸印度之二千二百餘里阿里北  
開入海西人呼勃拉布特河  
新編于開縣東南界廓爾喀西與西南均界英屬之克  
什米爾卽唐之箇失密也阿里西南境又名堆喀爾爲  
英人互又自成都南行六百五十里敘州府二百二十  
五里筠連縣三百二十里雲南大關廳一百八十里昭  
通府西南一千一百六十里雲南省城西一千二百里  
永昌府三百六十里騰越廳西南二百三十里蠻九二百里蠻一  
名八募爲緬甸境又舟行一日新街有漢人數百家通  
輪舟三日至阿瓦又七日至仰光出海折西北行四日  
至東印度加爾各塔英旣取緬欲出仰光建鐵路以通  
內地不獨慮法人佔先機亦恐俄人成鮮卑之徑臨噉  
亞爲戶庭大損英國商務必於緬境築軌直達巴  
漢秦楚方能保固有之利氣運相迫欲罷不能矣

望日出咸陽西北門古冢累累

漢哀帝義陵在縣西八里

十五里上照

塘

其北十五里馬家堡同治元年同匪屯此督師大臣勝保提督雷正綰攻下之西路始通

十里雙照

鋪 五里西程邨

五里界牌

咸陽興平

五里店張邨餽南距

興平三十里知縣事武威郭茂如柏森來

興平縣周犬

邱帝王世紀及世本竝云懿王都此秦更名廢邱漢右扶

風之槐里

縣東南十里

茂陵

東北十里

平陵

東北十里

魏廢茂陵改

平陵曰始平晉於槐里置始平郡北魏屬扶風郡隋廢郡

以縣屬京兆唐改金城又改興平

秦風孔氏疏云大雒之族世居西垂非子封爲

附庸別居槐里莊公伐戎得大雒之地就居西垂文公還居非子舊墟在汧渭之間卽槐里也保廉按穎達將史記原文支離牽合似是而非槐里卽大邱在今興平東南地居渭北距汧甚遠安得謂汧渭之間史記言文公卜居汧

渭之會會者二水合流處故毛萇云在郿非子初居犬邱  
繼養馬於汧渭之間後封於秦必非一地若始終在槐里  
則史記何不曰主馬於犬邱邑之犬邱乎又按懿王徙都  
犬邱孝王以懿王之叔嗣為王意必仍居犬邱故史記曰  
犬邱人言之王又曰朕其分土者謂非子封於此則斯時  
西戎未叛孝王豈遽以王都與非子乎蓋非子以大雒庶  
子來寓犬邱而非十里晏邨鋪體泉十里雜邨鋪十里醴  
其本有之地也

泉縣進南門住峻峰書院城東北五十里計行七十里

醴泉縣秦之谷口國策范雎曰大王之亦曰瓠口河渠書

國鑿涇水自仲山西抵瓠口為渠孫期如醴泉縣志以為

周之焦穫余按戴東原毛鄭詩攷正曰孔冲遠以郭璞爾

雅注池陽之瓠中當詩經焦穫非也池陽今三原縣是直

通周京矣猶抗既整居焦穫乃侵鎬及方至於涇陽則焦  
穫在外鎬方涇陽之內下言至於太原來歸自鎬則焦穫  
鎬方在太原涇陽之間涇陽漢安定郡之涇陽今平涼縣  
也太原即高平今固原州也後儒不審地形漢左馮翊之  
遂以晉陽之太原池陽之瓠中牽合誤證

谷口縣

東北七十里

後廢入池陽

今三原縣東北北魏爲咸陽郡之甯

夷縣隋改醴泉屬京兆

元和志縣界有周醴泉宮因名宋氏長安志以爲漢醴泉宮誤也舊

志云醴泉在縣東南三十里非也寰宇記醴泉苑及宮並周所立在永壽縣東北十里元和志寰宇記皆云縣界有

醴泉宮言界則不自唐以前醴泉兼今乾州境武德初分專指醴泉縣中也

置好時而醴泉乃如今縣境

唐故城在縣北十里仲橋宋元故城在縣東三十里明初

徙今唐太宗昭陵在九峻山王公大臣陪葬者一百餘家

治古有陪葬之制卿相貴人不能拘於風水別謀窀穸然仍不失其富貴世之泥風水以邀福者盡思之肅宗

建陵在縣東北十八里武將山之五牀山

即地理志郭汾陽陪葬焉

人情好爲吉語富貴福澤醴推汾陽竊維汾陽再造唐室勳業誠高然當其時京師兩陷天下騷然雖屢戰克敵而

隴右諸郡終屬吐蕃肅宗以甯國公主下嫁同紇可汗驍倨不拜代宗以雍王爲天下兵馬元帥會同紇於陝可汗

責王不舞蹈榜殺其從官又以助討賊負功畱居京師放兵攘剽詎折官吏掠取女子殺人橫道所含光門入鴻臚寺都人厭苦朝廷不敢問厚賜以羈縻之此國事之疚心者也少年遠遶幾罹大辟泊掌兵柄復苦妻斐父墓被掘弗敢治盜此私事之隱痛者也跡其處境日在憂危世徒以免胄見虜幸得無恙耄年矍鑠子孫膺仕嘖嘖稱道之而於汾陽一生操心慮患之苦衷

途中審察地勢知井田

之不可泥也高下倂邪固難畫井而平衍處仍有凹凸未必平正如碁枰縱畫爲井安能在在通水如遂人之十夫溝百夫漁平大司徒云一易之地家二百畝再易之地家三百畝儻拘於八家爲井則一井必不止九百畝而後可儻拘於界爲九區則一井當不滿八家而後可孟子八家其井周禮九夫爲井在周時已傳說不一豈江慎修

周禮疑義

舉所謂有通融之法乎論語禹盡力乎溝洫畝之制禹  
早定之讀周書大誥多士具見周家鎮撫殷民之難若復  
取夏殷兩代一千有八十三年相仍未變之田制悉繩以  
新朝法度頑民有不叛者乎或曰井田不始於周然黃帝  
之制八家爲井鑿井於中井一爲鄰鄰三爲朋未知每井  
若干畝夏時一夫五十畝商以六百三十畝爲一井周以  
九百畝爲一井雖三代丈尺不同所差當無幾而六百三  
十與九百相去懸殊改易疆界勞民駭聽非尋常制度可  
比合宇內田疇紛更煩擾異帝新莽安石豈聖君賢相而  
出此乎

王莽法古改官名改地名徒亂人意更欲復井田  
於是農失其業漬畔四起使無井田之舉存亡未



可知攷工記凡溝必因水勢又云凡行奠水磬折以參伍也

是井田之制明明因地制宜重在溝洫深通非拘於井字之形且由朝廷畱意溝洫之政非強令民間畫爲井字以美觀也又按九章首列方田術因田多不方立術以得其方數魏劉徽云九章爲周禮九數之流則方田一章卽周家畫井計數之法古所謂井者亦如今江浙所謂某邑若干圖若干坵耳

公牘如此農人多不知所謂圖與坵也

就今日田制而論果

能盡力溝洫旱潦有備豪強無兼并卽謂之井田亦可善乎孫公廷銓之言曰夏殷末造井田無改而桀紂之民貧漢之初興阡陌無改而文景之民富在所以撫馭之而已

定制畝二百四十弓良田有不足此數者瘠田有以數畝  
當一者丈量未可輕言下地按畝升科則病民上地計數  
忽減則病賦輟册所載人新而名故地東而籍西復有飛  
灑隱混慘輻糾紛農家承訛非出有心詎能概繩以法論  
者動稱丈量盡思已有半頃地方員高下不一其形試親  
量數次其數必不盡符況人地生疏之牧令能徧歷百里  
之郊垌遶清千王伯厚云井田壞而戎馬入中國如入無  
年之積弊乎

人之境余按此說非也驪戎犬戎錯處西周畿內揚拒泉  
皋伊雒之戎陸渾之戎錯居東周畿內茅戎東山皋落氏  
潞氏甲氏畱吁鐸辰赤狄之種鮮虞肥鼓白狄之種錯居  
晉境豈井田既壞始入中國乎三代以上地廣人稀畱寬  
大之阡陌以正疆界通車乘嗣後人口漸增耕及餘地久  
之又耕及阡陌商鞅因而開之弛其禁收其稅迫於時勢

鞅未嘗無功於秦也

後世談經濟者輒曰墾荒卽師商鞅之術也迨考井田阡陌則又誦鞅一

孔之見同聲附和嗚呼林林總總生計然自阡陌開而古

日少今則地上無可開且開之地中矣

制蕩然亦自阡陌開而兵車不能行於田間戎馬之便非

由於井田之壞使井田如故阡陌如故兵車且行田間豈

反不利於騎步耶夏官設掌固之士十爲溝樹之固司險

之士六樹之林以爲阻固國有故則藩塞阻路蓋明知井

田之上畛途四達也今俄國七河省等處皆掘溝栽樹數重以代城垣隱合古法

宋滄

州節度何承矩於雄莫等州興稻田以限契丹戎馬

宋史列傳

食貨

秦鳳經略吳璘於秦州田間作地網

縱橫作渠闊八尺深丈餘連綿

如網見秦州志近時西國有掘溝操法軍士皆習之且伏且進此又地網之用於攻戰者也

以限金人

戎馬設險在人於井田之興廢何與乎

十六日出醴泉西門 二里泥河舊有水東入甘谷河今

涸過此入乾州界西微偏北 三里孝義邨 三里三十

里鋪西堡 東里許曰東堡西北有商路至楊家莊入山經陸陌鎮鐵佛寺馮市新店子出境至永壽之監

軍鎮合於驛路較為便捷同治初賊匪往來官兵進剿多由此路去年設立電綫仍由州城 八里陳邨

在路南 四里楊洪廟路北為楊洪鎮西堡 又北約十里陸陌鎮周處

與齊萬年戰處又西北十里曰雞子堆 六里好時邨新堡

有唐僖宗靖陵又北三十里曰五峰山 西北有老堡秦

北魏好時地也 志稱晉武復置好時於此按晉史地志無好時縣 西北有老堡秦

漢好時縣也 四里安駕寺 四里進乾州東門 威勝驛 一

里住行館計行三十五里知州事山東周懋臣銘旂 乾

州漢右扶風好時縣

州東七里漢志境山在東有秦始皇梁山宮

後廢北魏以

好時爲扶風郡治分置漠西縣

州西有漠水今本魏書屬誤作漠西隋志作莫西

武功郡隋并入上宜縣

即漢西改

屬京兆唐初復置好時貞觀

初廢上宜後廢好時改上宜曰好時

在永壽境

文明時

元和志稱光宅

元年置舊新二唐書均云文明元年

析置奉天縣

即今治

以奉乾陵

高宗陵州北五里梁

山上元和志以爲治梁及岐之梁

乾甯初置乾州

今州衙爲唐德宗行在陸宣公草詔處

宋

因之後改醴州金復乾州元廢奉天好時明乾州領永壽

武功 沿途詳覽夷險不能無疑於車戰之說也桃林以

東直至伊洛絕少坦途晉境尤多高山平陽以南稍稍寬

廣周衛齊燕之間平地尙多然求其能容戎車百乘馳騁

戰鬪者迄未之得始恍然於古人非專恃車而近時陸軍

用車實多於古人古制每車甲士三步卒七十二杜牧注孫子一

車甲士三步卒七十二炊家子十人固守衣裝及廩養樵汲各五人輕車七十五人重車二十五人二乘兼百人爲一隊蓋每百人用一輕車一重車也因臨陣祇一車故以輕車爲正數又因百人中止七十五人能戰故云一車七十五人使戰必以車而步卒皆壁上觀安用此七十二人乎

所謂車一乘者猶言以七十五人爲一隊蓋輜重列後卿

大夫司鐃鼓號令乘輕車督戰近敵則不得不稱戈發矢

鏖戰恃步卒非恃車夫行旅之車偶爾脫輻必呼將伯況

戰爭危地乎今法步隊五百人爲一營馬隊半之有事徵

調步隊每營雇車二十五乘馬隊每營車十三乘以載帳

幕械仗糗糒衣裝炊具方可啟行弁兵尚不得坐車將領

者休大率二十人用一車今日統兵一營者使古人是古

息焉者一車之人數在今當三車又四分車之三若如杜注係

車之人今後路糧臺轉輸之車之多尙不在內今非車戰

而車倍於古公家每營給二十五乘近來槍砲彈藥重笨

即須三四車營有營書哨有哨書在公牘稱書吏月雜給

銀數兩其實皆幕賓費或倍蓰又各有僕從就道皆需車

此類甚多例難報銷非缺額挪餉不能成行以五百人之

餉養四百人彌補例外之費擇健卒倍其餉不以自肥即

今之廉將也他如補缺引見一次部吏撞騙需索十年剋

扣不足償債督撫提鎮閱操一次近者苦應酬遠者苦徵

調三年剋扣不足償債使太公孫子處今日軍中必若古

束手相弔乃談兵法者在在聒耳何將材之多耶真車戰何以車反儉於今可知古人第以車乘定賦車戰二字

古人未明言皆後人誤會若近時將帥有乘輜臨陣者豈得謂之輜戰乎戰則步卒之力居多  
大司馬曰乃陳車徒如戰之陳車三發徒三刺發者發矢  
車在陣後可知刺者如今步隊以矛衝鋒也步卒力戰之  
用昭然若揭矣古時兵與農合兵車出自農家故計軍實  
者必曰千乘曰百乘後世兵民既分有役則檄令州縣雇  
車於市不足則括農車以應命逐程更易兵與車漠不相  
關故用車多而不以車名讀書不證之事理好言車戰蓋  
思軍中輜重纍纍行則如何保護止則如何成營調度已  
不易更別製戰車重勞將士安得不蹈陳濤斜之轍明季  
高陽孫文正撰車營百八叩所以有叩無應歟今有用後  
膛礮車者



發及數里尚須步隊夾輔之觀  
今之駁車即可悟古之用車矣

十七日發乾州行館 二里出北門城內北半多曠地如邨野入山行

土峽僅容轍漸行漸高 七里路東爲金家堡路西爲陵

前邨當乾陵之南皆在坡上九里十八里鋪其西爲三福寨十里陽峪

鎮稍平曠其北三里曰馮市西北登陽峪東麓 十五里安家宮

永五里飯監軍鎮同治元年冬同匪攻鎮團勇戰敗死者數千屋舍盡燬十里永壽

鎮後周縣治也 十里蒿店 七里莫營關相傳後魏置

邑南四里穆陵關宋建十三里永壽縣永安驛城外住計行八十八里

署縣事安徽汪寶卿國勳行館在武陵山岡其上曰文筆

峰有寺有小塔候補守備臬蘭朱利亭應龍來同行永壽漢漆縣及好時縣

地北魏屬漠西西魏置廣壽縣後周改永壽寰宇記隋屬上

宜及新平唐廢上宜縣西三十五里復好時在舊縣東南四十三里析新平

置永壽凡三遷屬邠州宋屬乾州今縣治本麻亭砦元徙

此明末被寇城圯康熙時築小城光緒七年重修 梁山

在縣南八十里山自西而東亘岐山扶風麟遊永壽乾州五邑太王踰梁括地志

謂在好時縣西北 或謂三代上無單騎余按蚩尤以騎

戰宋衛湜禮記集說古稱黃帝車戰蚩尤騎戰余按黃帝始作車時蚩尤無車則皆騎矣又按玉篇黃帝臣相乘

馬古公走馬於水滸程大昌雍錄曰恐此時已變乘為騎

天立厥配亦善騎馬耶余按北方婦女多有騎行者此無

足怪古公故國在今邠州三水縣其地有雞阜白虎蟠龍

諸山所謂幽谷也往三水者由三原而北必須騎行則古

公走馬是騎無疑公劉以後久國於幽之谷既不通車又

不以騎豈武王問於太公曰車於騎步所當幾何六韜說者以六

皆步行耶騎爲僞書然莊子徐無鬼篇曲禮前有車騎蕭山毛大可

已有六破字則由來久矣曲禮前有車騎蕭山毛大可

事始今人以易詩書無騎字遂以騎爲戰國以後之字謂

古人不騎馬然則六經無髣髴字將謂漢後人始生髣髴

耶春秋時楚子乘駟會師於臨品祁奚乘駟而見范宣子

駟與傳別元戴侗六書故云車曰傳秦穆公以疇騎二千

騎曰駟晉侯以傳召伯宗則車也

輔公子重耳韓非趙參以良馬二濟兄與叔父左師展將

以公乘馬而歸齊景公唁昭公於野井據鞍爲几公羊戰

國時滕文公好馳馬趙武靈王好騎射蘇秦說燕文侯曰

騎六千匹說趙肅侯楚威王皆曰騎萬匹周顯王時騎如

是其多則騎之不始於周末可知史記孝王使非子主馬

是其多則騎之

於汧渭之間封之秦正義云汧渭之間在隴州秦卽秦州  
清水縣按今陝西隴州與甘肅清水接壤環境皆山不能  
行車往來以騎康成所謂秦者隴西谷也非于國於此如  
不騎行蕃息其馬奚用耶孝王距成王僅六代周制未盡  
壞有井田邱甸之法六軍之馬已足有校人庾人之職十  
二閑之馬已多非于所畜非盡供王用且非子始封馬大  
蕃息而車鄰之詩小序謂秦仲始有車旣知秦仲以前三  
世無車宣王召秦仲爲大夫所謂有車鄰鄰者蓋至京師  
則然耳其後拓土漸東而國境乃有車小戎之詩  
矜其車甲蓋此時西戎入周弑王襄公東行愈可證非子  
救周非用車西入戎境也釋經者未詳攷耳  
之馬非單騎而何又按黃帝始服牛乘馬玉篇後漢輿服志

注引古史考曰黃帝作車其後少昊駕牛禹時奚仲駕馬  
杜佑通典曰黃帝作車少昊始駕牛及陶唐氏制彤車乘  
白馬夫以馬駕車起於堯禹又可悟黃帝之車用人推挽  
陶唐以前所謂服牛乘馬者大率單騎而騎實先於車矣  
十八日進永壽南門山城斗大居民約百家出北門卽入  
山 五里登分水嶺 十五里徐家車圈回環曲折有似  
車輪 十里底窖溝 一稱接角溝 峻阪斜下長三四里溝中水  
石參半車甚顛播 五里石坡坎一名十八坎車顛甚

五里泰峪鎮

州列

阜如屏民皆鑿壁以居飯後升坡下望

似山上實平原

北有太峪水東北入涇涇東有汭水西南流入涇說文汭西極之水也爾雅西至於

汎國謂十里泰峪衡衡入土溝內窄而陡 十里十里鋪之四極

志云州東十里有姜嫄墓詢之土人謂在州東北十里水

北邨山谷中武功縣西南二里亦有姜嫄墓均遵例設陵戶公劉墓則在州東八

十里土陵邨又州東十里司空山卽郡國志之師曠山有

師曠冢 十里邠州南門新平驛城南枕南山一名壽山

皇淵又云城南有履跡坪隘巷狼乳溝后稷所生按史記正義引毛萇曰后稷生於邠則在今武功縣西南住

行館計行七十里知州事湖北周煦生曜東 邠州夏爲

戎狄境後漢西羌傳夏桀之亂吠夷入居於邠商邠國孫開如邠州志序攷邠國云史記周本紀

謂慶節國於邠句奴列傳謂公劉邑於邠一書互異惟周語祭公謀父之言最古不甯國於邠說爲長也余按孫氏

說太略茲特詳攷之史記后稷封邠不甯奔戎狄之間章昭曰不甯失官遷邠西接戎北近狄然公劉章毛傳鄭箋

及鄭氏幽諸皆云公劉自部遷幽孔疏曰不窋窋幽地尚  
 往來部國至公劉而盡以部民遷之也又按不窋窋狄者  
 據韋昭國語注避太康之難也其後子孫復歸有部者據  
 竹書少康三年復田稷沈約注不窋失官至是而復也公  
 劉自部遷幽者據史記婁敬傳后稷封部十餘世公劉避  
 桀居幽也公劉非后稷曾孫拘於周本紀則誤矣括地志  
 不窋故城在慶州宏化縣南寰宇記真甯縣下引水經曰  
 大陵小陵水西南逕甯陽城故幽甘肅通志慶陽府城東  
 有不窋冢安化縣北三十里有公劉莊甯州西一里有公  
 劉邑謂之北幽元和志云甯州城即公劉邑周為義渠戎  
 後魏太和時曾為幽州據此則幽地不止邠州三水自今  
 邠州北至慶陽三四百里連山若海皆幽之谷所謂幽居  
 允荒歟蓋夏時西裔土曠未可以中國制度例之也漢石扶風之漆縣獻帝時置新

平郡魏晉因之均治漆北魏改漆曰白土縣今州西南西魏改郡

為南幽州後曰幽州元和志隋初改白土為新平縣州南大業

二年省幽州以縣屬北地郡以北地為幽州唐初復幽州城西開

元中改爲邠州後並置新平郡靜難軍節度關內宋因之

屬永興軍路金屬慶原路元屬陝西明省新平縣漢地

志漆縣有漆水寰宇記新平縣西九里有白土川東北流

經白土原入於涇恐是漢漆水禹貢雖指徧考羣書輿地

有漆無沮高郵王氏曰經義述聞詩絲篇自土沮漆土當從齊

詩讀爲杜據漢地志注古字假借耳沮當爲祖祖往也余按周頌天作

篇彼祖矣岐自土祖漆言公劉去邵適豳自杜水出麟遊縣西東南至武功

入往至於漆水也祖似沮又因漆水而誤加水旁耳豳之

漆水在涇西與禹貢漆沮在涇東者不同禹貢漆沮毛鄭卽石川水

詩攷正戴東原以自土沮漆爲近此沮洳漆水六書音均表



段懋堂 謂當從水經注漢書注作自土漆沮皆非也唐石經毛傳鄭

箋皆作沮漆正義亦先沮後漆間有作漆沮者傳寫誤耳今本水經漆水注漢地志亦傳寫之誤太平御覽地部引水經注作沮漆王應麟詩攷胡三省通鑑周紀注引地志均作沮漆詩譜正義禹貢正義引詩皆作沮漆不得以他書之誤而改經文也史記周本紀正義徐廣音義水經注引周本紀皆但言漆不言漆沮則周本紀二沮字皆後人妄加也率西水許鄭箋謂沮漆水側程泰之曰錄循渭西上

以達岐金仁山孟子集注考證閻百詩四書釋地皆從程說余按諸家

泥於史記去關渡漆沮遂以詩沮漆合於禹貢涇東之漆沮又疑漆沮與關無涉遂有循渭之說不知岐山周原皆在渭北太王踰梁而南卽至岐山若行渭水之澍則又踰周原而南矣程氏雍人閭亦精輿地何疏忽如是惟高郵

王氏謂水滸卽指上章漆水太王去豳自當始於豳不當  
始於梁山爾雅云率自也蓋自豳西漆水之厓南行踰梁  
山至岐山下約言之則自豳西漆水至於岐下耳毛鄭皆  
訓率爲循循漆水而西則非適岐之道孫開如邠州志以  
縣詩沮漆禹貢漆  
沮誤并爲一又云麟遊漢漆縣麟遊之漆至臨潼入渭一  
名石川河余按麟遊實漢杜陽今麟遊漆水安能東踰梁  
山越涇水而爲石川河耶要之鳳邠間有三漆水一出麟  
遊西境廢普閭南東南至岐山入渭卽太王所經之漆水  
經所云漆水出扶風杜陽縣俞山東北入渭者也惟北字  
當改作南亦卽麟氏渭水注所謂杜陽漆渠與岐水并遊  
者也邠氏漆水注與禹貢漆沮班志漆水輟輅不分故自  
言無以辨之矣一則邠州西白土川水實字記以爲漢之  
漆水謂麟遊漆水非漢漆辨之甚明孫氏譏之亦謬一則  
扶風城東之時溝河縣志亦稱漆水在周原之南方輿紀  
要以爲太王  
所渡非也

十九日發邠州行館城內南垣有紫薇山二里出西門道左有范文

正舊治碑文正之先邠州人後爲蘇州人而歷官邠州蘇州亦佳話也城西小水曰淇

龍河州志以爲過澗水常澗志云州西三里有陶穀墓余按

陶穀本姓唐父唐煥祖唐彥謙推而上之若唐持唐扶等

均見唐書穀爲邠州新平人避石敬瑭嫌名改姓陶後裔

復姓唐見王弼州集五里火石嘴驛路兩旁皆山平正如階級

窰洞密若蜂衙窰洞者穴山以居詩所謂陶復陶穴也秦

地多此邠境尤多五里水簾洞壁竅玲瓏如其名有水簾河

出明岷山志稱白土川卽漆水按此蓋漢志漆縣之漆非杜陽之漆也沿途棗林萬計過長

安後惟此有佳趣同治七年夏道員黃鼎敗回匪於此十里大佛寺唐尉遲

敬德所建慶壽寺也因石爲佛趺坐谷中僧云佛高八丈五尺諦視不及正定府大佛之高登巖遠眺山水縈繞煙雨迷離寺西小廟壙丈八佛僧云此佛自西方來欲與大佛較及望見大佛趺坐且高數倍惶悚化爲石荒唐之談爲不自量者諷歎迤西道險曰打兒嘴又西漸高曰石板坡左峭壁石涇水巉石礙輪覆車一十五里安化鋪州

人家三五五里黑水陝西通志長武黑水卽汭水一名

宜祿川

據此則黑水卽汭水

明史地理志長武南汭水一名宜祿水

自涇州流入涇縣東停口鎮與黑水合入於涇

據此則黑水汭水本

二川下甘肅通志涇州靈臺縣南有蒲川出鳳翔分水嶺流爲一

實出麟遊西北受細川水入於達溪水達溪出隴州五馬山或訛

爲姐已川過縣南至邠入涇崇信縣南六十里有白石川

出五馬山東入靈臺爲達溪卽長武黑水之上源也據此則長

武黑水爲白石蒲川達溪三水之下流舊志各圖甚略然依諸說繪圖亦殊謬輻非徧歷其境無從攷正矣漢

地志汧縣北弦蒲藪芮水出西北東入涇寔宇記靈臺縣

下引水經注云蒲川出南山蒲谷東北合細川水且氏川

水據此則姐已川或且氏之訛邠州宜祿縣下引水經注云汭水東逕

宜祿城俗謂之宜祿水今本水經注無此文蓋唐以前注水經者不止一邠氏故徐堅初學

記李善文選注引水經注多與邠氏歷考諸說由停口入異者皆係別書非盡道元逸文也

涇之黑水久稱爲汭禹貢錐指謂職方涇汭之汭出隴州

弦蒲藪自靈臺縣流經長武南而東注涇王西莊尙書後  
案亦從此說余按涇邪之水以汭名者有二長武南之黑  
水一汭也自華亭東至涇州入涇者又一汭也二水皆出  
隴山皆東入涇中高不相逼近志皆以爲職方之汭孰是  
孰非輿地家莫爲論斷顧氏方輿紀要卷五十二以華亭  
之汭與長武之汭混而爲一誤也汭水考一旣渡食於停口鎮  
長武復升坡其上平曠爲長武原多穴居之民於深溝內穿  
土爲室結鄰地中 十五里黑莊鋪 五里二套嶺 五  
里井店塘西有深坑寬二十餘丈緣以短垣聯以土橋東  
香山東北回龍山相距各二三十里洪稚存長武縣志以  
井店爲劉黑闥投唐處謬也黑闥足跡未嘗入關始終未

為唐八里七里鋪 七里長武縣宜祿入南門 一里館

於縣衙之右計行八十三里知縣事貴陽趙平之福均

長武古義渠戎地秦漢屬北地郡之鶉孤縣今縣南四十里後漢

曰鶉孤屬安定郡東晉石勒置趙平郡寰宇記北魏曰隨平

郡隋與漢同唐為邠州宜祿縣即今治元和志涇州有潘原縣本漢陰盤縣在宜祿

西二十三宋分置長武縣西北境屬涇州元皆廢明萬曆中於

宜祿鎮置長武縣今城屬邠州縣南十里宜山北十五里

城東北進賢里為隋牛宏故里史稱牛宏為大雅

君子然宏仕後周為大將軍仕隋為尚書君子豈若是哉

南門外有碑題明景清故里按景

清本姓耿訛為景正甯縣人也

二十日寅出長武西門斜月在山飛霜透幙 十里十里

鋪北有淺水原爲唐太宗破薛仁果處 五里洪家鋪俗傳郭汾陽破回紇處 十里白楊

坡西北不過此入甘肅涇州界自潼關至此行陝西境七盤谷山

百三十五里內渡渭 五里窰店涇州 自此迤西驛路兩旁多

白楊左文襄督陝甘時令防營栽植 五里張邨鋪 五

里東高莊 五里瓦雲驛食後騎行 五里賀藍墩 五

里胡家園 五里高家凹 五里通南莊 五里二十里

鋪 三里黃家堡 三里杜家莊 四里二十里鋪 五

里十五里鋪 五里十里墩甘西南曰太平關始下坡長武

原至此 旁爲天鏡山筆峰山 二里鳳翔口坡益陡多磊而盡



石馬蹄易蹶 一里七里台 四里三里台 三里涇州

安定 住東關行館計行一百中知州事上海賈跋雲助

涇州商阮國

大雅皇矣篇密人不恭侵阮徂共一稱密須氏姑姓在靈臺縣西五十里陰密故城其阮

國之地在涇

及昆夷

初學記引劉澄之宋初山川記安定界戎舊壤也

秦爲義渠

戎地後屬北地郡

治義渠城在慶陽甯州西北漢徙治馬領縣今環縣南後漢徙治富平今甯夏

靈州西南安帝永初五年避羌寇徙池陽章懷注在涇陽

北順帝永建四年

歸舊土永和

治高平

北魏太武兼置涇州

甯州東南

漢屬安定郡

徙臨涇

北魏太武兼置涇州

涇縣今鎮原縣西二里

後周涇州治

嗣後州郡遞稱

隋初

安定縣今州北五里

接鎮原縣東南

嗣後州郡遞稱

唐初

乾元初宋金元明均涇州

隋大業唐天寶安定郡

至德初

保定郡大歷初涇原節度治涇州宋亦稱安定郡太平興

國初置彰

宋以前州郡皆治保定縣

即安

金改曰涇川縣

化軍節度

宋以前州郡皆治保定縣

即安

金改曰涇川縣

明省入州

因避水患徙治涇南之皇甫店即今為涇州城也西北二十里有皇甫嵩讀書臺

直隸州

同治七年春回匪由慶陽州西南一里奔山蜿蜒圍涇州道員黃鼎擊卻之

如龍州南二里嵩山峻豎遙空飄然猗舉城西北汭水

有兩源北源出平涼府華亭縣西四十里小隴山之馬峽

東環朝那山又東至雨山南源出小隴山仙姑峪

即齊山

過儀山

華亭東三里

儀雨二山對峙如門兩水合而為汭東流

六十里至石堡北受柴邱水

出朝那湫山之陽

又東流北有斷萬

山南有五馬山東汭於中

甘肅通志藝文王甯窮汭記

號為汭水東峽

東經崇信縣北又東至涇州回中山入涇

平涼府志

蔣氏尙

書地理今釋亦云汭出華亭至涇州西北入涇按陝西長

武縣志以由靈臺入長武之黑水爲古汭水既有漢志可

據矣然華亭之汭亦可證以漢志

汭北弦蒲藪汭水出西北之說

蓋陝西

隴州甘肅華亭皆漢汭縣地弦蒲藪在隴州西四十里小

隴山在州西八十里而華亭之汭適出小隴山非弦蒲藪

西北乎

水經注汭水亦出弦蒲藪則弦蒲之

地甚大非專屬黑水上流之蒲川也朱子注公劉

詩汭出吳山西北考吳山卽汭山在隴州西西北與隴山

連華亭之汭非在吳山西北乎二汭水地勢相似而不相

通明史地志於長武南有汭水

卽俗稱黑水

於崇信則又云北

有汭水

是指華亭之汭

南有赤城白石二川流合焉

是又指長武黑水

甘

肅通志卷五於涇州汭水云自崇信流入東南入長武界

皆誤以華亭之泖與長武之泖相通茲爲剖析之以免混  
淆泖水攷二 陝甘之交二泖水已混雜難辨而長武有  
黑水安化縣西亦有黑水長武黑水上游有蒲川入之  
而安化黑水亦云有蒲川入之長武黑水入涇安化黑水  
則省志云出府北太白山入珊瑚水而明史地志於安化  
縣曰西有黑水至長武合涇於環縣下則曰黑水注於環  
河甯州有九陵川合大延川入馬蓮河正甯有甯江卽羅  
水兩不相涉而明史於甯州下曰甯江亦名九陵川又曰  
大陵小陵卽九陵之源卽州志謂羅川合大陵自三水縣  
來寶宇記以陵水爲皇澗而卽州以張家堡南河爲皇澗  
蓋攢郡邑志者往往足不出戶於山水名稱之近古者輒  
引入已境指鹿爲馬所不顧也史官不  
察依樣書之沿譌日久眞贗愈淆矣

二十一日進涇州南門 二里出北門城北五里爲兼山

山下海印寺一名水泉寺有其池志稱周西北渡泖水  
其王曾遊此史記所謂密康公從者也

二里回中山卽其山涇在陰泖在陽絕巘壁立相傳爲周

穆漢武所遊道右碑題古瑤池降王母處御者因坡上多

石繞行涇水之滸騎者取道山麓

山有大佛洞中架飛閣上爲王母宮志稱瑤池

在其山之陽泉出石竇滴漉如雨其傍峭壁石黑如古鐵

余按始皇本紀巡隴西北地

出雞頭山過回中正義言從咸陽向西北出甯州西南至

成州出雞頭山東還過岐州回中宮武帝紀上郊雍通回

中道集解云在扶風汧縣匈奴傳至彭陽

括地志在涇州臨涇縣今鎮原

縣地使奇兵入燒回中宮正義曰宮在雍縣西郡國志汧縣

有回城名回中來歛開道處則回中未必如應劭所言在

安定高平也 三里五里鋪 二里任家溝 三里小白

邨卽北十里鋪 四里焦家溝 一里十五里墩 二里豆家山

三里傅家鋪卽北二十里鋪三里秋坪三里相家溝三里

食於王邨市有一里三十里墩三里余家溝二里百

泉溝五里土垢鋪二里杜家溝二里下八里坳

三里上八里坳三里花家寨有店鋪三里羊圈溝三里

張家什字四里義理鋪五里王家溝二里三里墩

三里白水驛堡平涼宿計行七十二里驛在涇內間南距

汭水較遠保康於長武涇州二汭水各爲攷辨然審察地勢此二水皆不足當古汭水也禹貢涇屬渭汭

詩汭鞠之卽毛氏鄭氏二孔氏以水厓水北水內釋之周禮職方氏其川涇汭鄭注云汭在幽地賈疏云此與詩注

不同者蓋周公制禮始卽皇淵名曰汭耳然賈氏未言原委所在班氏地志始以扶風郿縣之汭水出弦蒲葦西北

東入涇者爲詩汭隗之汭雍州之川說經者多從之余按詩書所言汭夏商不以爲水名鄭注周禮謂在幽賈氏又

以皇謂爲汭則汭必在國中非僅經流邊境者也今華亭之汭於涇州入涇與國無涉長武之汭於縣南入涇距三水甯州二處公劉故都尙遠必非國中之皇謂此可疑者一周禮其川江漢其川進泗皆舉大小相匹者涇水長千餘里今涇州長武二汭均非大水周禮豈以細流配涇而曰其川涇汭乎此可疑者二周禮舉川浸括一州大勢言之涇州長武二汭相近原流方向亦相若職方氏何遽以爲川致近似者皆得冒名乎此可疑者三詳爲尋究其川涇汭之汭古人必以兩地大川當之或卽慶陽之環河乎環河出環縣西北七十里水源鋪南流經府城西曰西河府南爲不冠城西南有西姬峪相傳公劉子姓所居環河逸城折東南會於東河又南更名馬蓮河經合水縣西南受建水至甯州西經公劉舊邑左受大延川右受珊瑚川大延川在城西會九陵川其源有大陵水小陵水志稱卽皇謂也馬蓮河又南經正甯縣西又南過甯州政平鎮受羅水至長武北入於涇此環河之可以爲汭也或問有證乎曰有賈氏以皇謂爲汭寰宇記正甯縣下引水經注曰大陵小陵水出邈和南殊川西南逕甯陽城故廩陵水卽皇謂云云說文皇大也曰爲皇謂必非細流蓋古時因皇謂入環河故環河亦蒙皇謂之名公劉詩但稱皇謂而

汭指水厓非水名周禮乃名皇淵為汭實卽以環河為汭  
陶地之川足配涇水莫大於此至弦蒲藪之水漢人名為  
汭當時未必以為陶地之汭班氏始證以汭鞠之卽後人  
從而附和之環慶之地久陷戎狄漢唐又無文士辯正遂  
湮沒至今耳如以余言為妄則涇州長武二汭皆  
不足以配涇當別求一川以實之 汭水攷三

二十二日霜降自白水西行 二里鄭家莊 三里打虎

嘴南為龍鳳山 五里馬蓮鋪卽六十五里王家寨 五

里眉峴鎮絕少居人 四里馮家墩 三里馬尾溝 三

里四十里鋪食於行館三里洪溝 二里胡老溝 五里三十

里鋪 五里東甲積峪層岩如積甲有穴居之民十里米家峪 五里

煙霧溝 二里十里鋪 八里平涼府東關道右有武威

堡防營駐焉中有塔 二里過清平橋進東門 二里住



試院額曰空同使節計行七十四里知府事江夏胡體齋

孚駿倚郭平涼縣知縣事湘潭唐潯舫受桐秦州紳士任

育生世平涼府古涇陽詩經獵狝所侵之涇及西戎那邑

英來平涼府古涇陽陽見日知錄卷三及西戎那邑

府西北有漢秦屬北地郡漢屬安定郡東晉太元中苻秦

分置平涼郡治平涼縣今府西北後魏爲涇州之安定郡治安隴東

郡治涇陽在府西北四十里平涼郡治鶉陰府西原州之長城郡治黃

西北八各地隋并爲平涼治平安定二郡唐屬原州平涼

郡元和四年於平涼縣兼置行渭州本治襄武今鞏後沒

於吐蕃宋爲渭州隴西郡平涼軍節度治平金爲平涼府

元同

國初因明制以府屬陝西康熙四年改隸甘肅 平涼縣

高平 漢安定郡涇陽朝那二縣地苻秦增平涼縣爲郡治

北魏爲隴東之涇陽安定之朝那長城之黃石西魏改黃

石曰長城縣後周復置平涼縣屬長城郡隋爲百泉杜佑

爲公劉詩之百泉誤也按隋改長城縣曰百泉在平涼西

北必作蘭地隋志不言因詩而改詩註疏亦未以百泉爲

地名嚴坦叔

平涼朝那三縣

分屬安定

唐廢朝那以百泉

曰衆水也

平涼屬原州元和志開元五年移平涼縣於涇水南貞元

朝那地後魏於西南陽晉川置黃石縣隋改百泉武德八

年移於今所舊唐地志謂隋平涼縣治陽晉川新唐書以

平涼屬渭州諸說互異平涼府志隋唐平涼縣皆治今北

山之原陷於吐蕃後唐清泰中重置平涼縣今安國鎮西

古城也宋因之金遷五代廢百泉宋以平涼爲渭州治金

今治卽唐耀武鎮地

以後皆爲平涼府治

同治二年春陝回由汧隴小道入甘  
甘回四應二月圍平涼四月總督熙

麟遣軍來援中途失利知府和英等死焉八月平涼陷先是教諭王汝拱議盡撤城外民房爲紳士所阻賊果伏屋內掘地道陷城汝拱與知府田壽增知縣張仁源流寓總兵呂元等皆死之三年春陝境稍靖提督雷正綰陶茂林會攻平涼五月克之四年夏雷軍敗於甯夏退屯固原七月兵潰再退平涼五年十月洪河川回匪陷平涼雷正綰復之平涼爲隴東劇郡浙人之遊幕陝甘者以城北五里此地當兩省之中多寄居焉城破皆及於難

天壇山唐貞元三年渾瑊與吐蕃會盟被劫處 湮水在

城西北出華亭縣西北九十里筭頭山有八峰形如冠髻

下有深峽峽內三潭俗名湮河腦峽東四五里受清泉數

十東北流十五里爲白巖河或云百泉之譌又十五里安

化鎮

宋安化縣後徙原州融勝關以此爲安  
化鎮金改爲化平縣故又名化平鎮

又三十餘里

入平涼境過空同山六盤瓦亭峽諸水匯焉俗謂涇之北

源山海經所謂高山涇水出焉然瓦亭水小故數涇源者

必屬筭頭淮南子涇出薄落山高誘注卽開頭筭頭爲空同南支故或曰涇

出空同詩云涇以渭濁解經者皆言涇濁渭清乾隆庚戌

上命陝撫秦承恩詳加履勘尋奏稱涇流似江漢渭色與

黃河同合流處一望可辨七八里始涸爲一竝於急流取

水激之涇一石滓三升渭一石滓斗許以所目驗攷之碑

乘詢之士著涇清渭濁毫無疑義 崆峒山府西三十里

或云黃帝所登崆峒在豫境范守已豫譚崆峒在汝禹二州境有廣成子墓卽黃帝問

道處平涼臨洮各有崆峒第莊子言黃帝問道或謂在平

崆峒遂見大隗迷於襄城之野其爲此山無疑

涼

張伯魁崆峒辨曰宇內有崆峒七汝州薊州岷州肅州狄道西和平涼也以爲黃帝廣成之蹟者惟薊汝與

平

涼薊無前徵莊子言黃帝遊襄城問道於崆峒後世據

此

以汝之崆峒爲真考史記黃帝西至崆峒登箕頭漢武

慕

黃帝之事西登崆峒出蕭關且箕頭在崆峒旁蕭關在

崆

峒北百二十里俱屬平涼黃帝廣成之蹟必非薊汝所

得

冒餘四崆峒或謂在薊朱彝尊曰下舊聞考云爾雅北

又

烏容冒耶或謂在薊斗極爲空桐司馬彪注莊子

亦

云空桐當斗之山則空桐宜在北矣廣成子謂帝不足

話

至道退居三月復往要之當日帝邑於涿鹿去薊甚遠

故

不難復要之寰宇記薊縣有箕頭山陳子昂薊邱覽古

詩

尙思廣成子遺跡白雲隈則薊之空桐未可定其非黃

帝

問道之所也余按史稱黃帝遷徙往來無常處無論汝薊平涼

三

月之期皆能親履未可臆斷然莊生多寓言如云孔子

拜

盜跖自稱臣可信爲實耶所載黃帝問廣成子曰治身

奈

何而可以長久使黃帝果有是語與秦皇漢武何異夫

廣成子者劉向列仙傳稱爲古仙黃帝欲求道必不問諸方士此蓋秦漢術家僞託以惑時君耳

二十三日出平涼西門就驛路北涇水灘行多小石八

里八里鋪 二里崕灣子卽十里鋪三里聚灣子 七里李家

峽卽二十里鋪二里頁河子 三里頁河塘車經邨北遙見民

居數十家迤西眾山絡繹在右者如螺如髻在左者如牆

如垣皆石戴土南山缺處望見崆峒東峰若方臺者兩層

登山之路由府西乾溝銀洞溝石頭寨西歷大峒山至閭

道宮北入於峽飛泉流石上升四里巨石偃道左倦者可

據而休再登里許岩間多古人題名穿蒼蔚歷曲盤得平

地爲潯沱寺稍東爲中峰又東爲東峰有眺豐亭亭下厓

深百丈有洞焉皂鶴巢其中亭南南峰懸出乎涇之上中

峰北小岡有喬松六樹北二絕澗獨木爲橋過此登北峰

一塔特立於西北隅後有丹穴西南出深林捫蘿百折而上爲西峰峰右虎穴穴右湧泉大旱不竭泉之上曰馬峻山峻絕巖也下瞰涇南北諸山若波浪之伏挫馬峻之東直下滄沱寺石磴千百級視諸徑尤艱曲云摘錄趙時春遊記 五里三十里鋪 五里乾掌溝或作陽窪險口 五里安國

鎮平飯唐貞元中劉昌所築胡谷堡也後唐平涼縣治近此 今有防

營新築堡午後又循水行 十里白楊邨 五里辟家灣

或作覓 五里清水溝門固原 五里蒿店民居五六十下坡爲

瓦亭峽卽古彈箏峽唐德宗時與吐蕃分界處寰宇記引

水經注云涇水逕都盧山內有彈箏之聲也羣山怒起路

隨峰轉繞行澗底車顛甚 五里蕭關口一名金佛峽漢

晉以來戰守要隘明嘉靖中築城峽口今廢南巖下有武

廟過此益幽險

北壁有楊延昭廟俗傳六郎守此按延昭足跡未嘗度隴此蓋因蕭關二字傳會之

也陡壁迎面泐峭壁奔波山容水韻等字邵陽魏公午莊

駐營平涼時曾修此坡吳縣吳清卿學使爲碑記篆書

十里上清水溝居民八九家山勢稍寬泉流汨汨皆注於

涇

十里瓦亭驛

固原

後漢郡國志烏枝縣有瓦亭牛邯軍

處

自此西南至秦安縣北皆隴山中幹古皆謂之瓦亭山水經注隴水出隴山西北流逕瓦亭南隗囂問略陽陷使

牛邯守瓦亭卽此也又西南合一水爲瓦亭川又南逕阿陽成紀而入渭按古略陽在秦安東北成紀今秦州瓦亭

川在秦安境牛邯所守亦當在彼進堡東門民居約六十

或又稱秦安之瓦亭爲西瓦亭

餘戶入隘巷住行館計行九十里此處電綫繞赴固原州

城在驛西北八十里知州事長沙匡策吾翼之來接固原提督



雷緯堂宮保遣人送物受驄馬一匹陝甘制府固原州秦

楊石泉宮保遣戈什四人來接辭令先返不肯

義渠烏戎地昭王後屬北地郡漢武析置安定郡治高平

縣高平故城即今州治方輿紀要卷二後徙郡治臨涇而

高平縣如故晉因之廢高平北魏為原州高平郡治高平

志云後魏置平高縣與魏書不同顧亭林以原州為詩經

伐獵狁之太原閻氏潛邸劄記辨之曰原州置於後魏古

未必以原名鄭注禹貢原隰底績其地在幽後周改郡縣

近是秦中以原名者多不能定指何地也

曰平高隋廢屬平涼郡唐屬原州平涼郡均治貞觀初置

緣州治平高之他樓城北高宗置他樓縣神龍中省置蕭

關縣元和志蕭關縣在原州北一百八十里廣德初沒於吐

蕃節度使馬璘表置行原州於靈臺縣之百里城貞元中

徙治平

涼元利初徙治臨涇大中時於蕭關置武州後復陷吐蕃宋建鎮戎

軍金爲鎮戎州元曰原州至元中皇子安西王封此立開

成府開成縣州西南四十里後降爲州明曰開成縣成化中寇燬

於原州舊址設固原衛宏治中改固原州駐總督

國朝因之同治十三年升爲直隸州於州北二百四十里

之下馬關設平遠縣州西北二百十里之鹽茶廳設海城

縣均隸於州同治二年正月平涼回匪陷固原時總督熙麟駐慶陽調延綏兵及蒙古阿拉善旗赴援

未果四年二月提督青克忠等克固原

瓦亭驛歧路附

瓦亭西北二十里鳴陽鋪十里平泉鋪五十里固原州

永甯驛

又北九十里三營驛九十里李旺驛

海城

九十里同

心驛七十里沙泉驛九十里甯安驛

甯朔

七十里渠口驛

六十里大壩驛六十里王宏驛五十里甯夏府

東達榆林西達

涼州程途詳九

月初五日記

二十四日陰始披羊裘出堡南門

名曰隆化

二里折而西漸行

漸高 十三里合上鋪民居二十餘家由此登六盤山

盤不止於六或謂之絡盤道

洪惟存伊犁日記誤作樂蟠余按唐有樂蟠縣今合水縣

西羣峰環抱如卷蕉葉煙雲滿岫多雨少晴回環而上坡

陡泥滑輟駒喘且蹶 十里至第五盤名廟兒坪詣武廟

小憩 五里至第八盤爲山巔固原隆德交界峻嶒百重

絕壁萬仞有窩鋪見汛兵二三又曲折西行雲起車下昨  
所經彈箏諸峽俯視之矣至第三曲兩峰開處望見瓦亭  
堡如一拳石至第六曲旁有烽墩始下坡朔風怒號寒雲  
下壓亂山叢谷滿目陰森遙望隆德諸山斜陽如赭再下  
至第九曲以後愈入愈深循澗壑其十九曲抵山麓十  
里楊家店隆德民居十餘家五里十里鋪五里賀貴鋪  
有防營五里進隆德縣東門隆城住行館計行五十五  
里知縣事長沙盧岱之世塋隆德古西戎地秦屬北地  
郡漢爲月支道屬安定郡唐屬渭州宋天禧初置羊牧隆  
城後改隆德砦屬德順軍金升爲縣故城在今縣西北九十里元屬靜

甯州明嘉靖中改屬平涼府今因之瘠地荒城無文廟亦

無志書

同治五年春回酋孫義章陷隆德知縣宋繼昌合門殉節八月提督雷正綰復之

六盤山

山海經稱高山漢志謂之都盧山

地理志烏氏縣西有都盧山烏水出西北入河

今平涼西北入黃河之水止有固原之清水河出六盤山

北至中衛達河當卽漢志之烏水

烏黑也黑之爲青出禮

器卽注青清爲同音烏水實卽隴山北幹水經注河水又

卽清水則都盧卽六盤矣

水經注河水又

東北高平川水

注之卽苦水也出高平大隴山苦水谷東北流經高平太

婁廉城三水鹽池又北入於河所言原委與今清水河適

合是卽注苦水卽漢烏水苦與烏音近而更名猶他樓之

爲太婁也而六盤卽肅氏所稱大隴苦谷矣又按漢志言

烏水入河宸宇記誤以入涇之水當之

元史屢稱元主避

趙誠夫水經注釋卷十七亦承其訛

暑六盤山當時必多深林今則無樹唐六盤關及元安西

王清暑樓皆無遺址

家君擬於六盤山腰築牆爲隴干

鎖鑰旁設官店俾行人避風雨倡捐二百金託盧大令籌  
辦邑東南二十里爲美高山南二里曰龜山四里曰狀元  
山十里曰飽馬嶺西二里爲筆架山一名燕家山三里  
爲旗山五里爲鼓山西北十五里曰鳳山曰湯羊嶺北一  
里爲象山詢諸土人但答以東山西山途中多如此縣北  
有好水河西至靜甯爲苦水宋慶厯初夏人入寇任福等  
禦之大敗於好水川卽此地邑西南有莊浪鄉元莊浪州  
明靜甯州屬之莊浪縣也李申者輿地韻編謂在今涼州  
之莊浪廳誤也慶陽安化縣訓導羅翼雲致錦山省會  
來謂慶郡僻遠輪蹄艱阻移粟出境運價倍於糧價商販  
裹足他邑穀貴莫來購取農民逋負累輕粟重銀賤糶  
償債或輦至城市求售不得輦還苦無貲竟向坊肆易一  
飯而歸或以飼豕驅販鄰境年書大有十室九空猝遇饑  
饉不能移粟入境死亡接踵同治季年慶陽麴價斤直錢  
五六文光緒二三年大旱卽便絕糧蓋小民窮極無力囤  
貯以此知唐太宗時斗粟三錢未爲佳兆運道  
不利病民特於字內類此者多豈獨慶陽然哉

二十五日陰出隆德西門折北行兩旁皆山 三里長把

溝 三里山石灣 二里八里鋪即得勝鋪迤西道樹成行

六里金家溝 六里小河子墩即二十里鋪一名紅心鋪五里小河子

鎮靜甯插花地居民十七戶 五里沙塘鋪隆德有三四十家

十里廳家鋪 五里神林堡民居四五十戶食於行館堡南

有甜水河隴水上游也出六盤山經上峽口至靜甯城南會苦水 六里王家堡風雪寒甚

四里趙林店 五里亂柴鋪 六里黃岩兒過此路稍

曲 四里司家河過此為靜甯州東二十里鋪 七里上峽口 三里平

家河過此循右山麓行路益曲 五里萬福橋 五里抵

東山下土峽為李家店東山宋新安王吳璘隴干人命子挺

築堡拒金人之所 三里靜甯州涇陽東門曰承恩曰迎

春住行館計行九十三里知州事善化張靜亭光烈秦州紳士

蘇紹卿靜甯漢阿陽縣今州屬天水郡治平襄水經注渭水過縣北有溫

谷水注之出不襄縣南山據此則平襄故城在伏羌西北七十里似

伏羌距秦州百餘里秦州志謂平襄在州西北七十里似

未後屬漢陽郡治黃今晉省北魏復置屬略陽郡治安戎

縣東一百唐為渭州境宋景德初曹瑋彬仲子年十九知

二十里築隴干城州東慶厯初經略使韓琦請建德順軍元祐中設

隴干縣為軍治金升軍為州鳳翔路元改靜甯州廢隴干明

以州屬平涼府 州東二里旗鼓山宋劉渢於此屯兵防西夏南五里

翠屏山北十里橫山州南三十里甘磴川係溫泉五十里

山又西南三十里朱家店十五里垂家川

凡一百六十五里接秦安縣之蓮花城界



二十六日陰出靜甯西門名饒暉西北行 三里長原河

有木杠通徒步車行河中水及馬腹河出固原西須彌山

俗名苦水由北峽繞城南會甜水下流至秦安會民亭川

爲隴水過河後左右皆山積雪無隙惟道旁殘柳千株作

一綫淡黃色耳循山峽曲折 五里八里鋪登坡數層雪

滑泥瀟僕馬俱疲折西行 七里官道岔卽祁家山頂始下坡

數曲後又下峻阪斜長四五百丈復向西北 十里鄧家

灣 五里孫家溝 五里七里鋪 七里高家堡居民五

六十戶飯於行館 有響河出會甯青家峽東過界守十里

王家河在路 五里界守鋪 靜甯過此下小坡度土橋循右

山麓路稍平間有石坡礙車 五里石嘴嶺 十里磴子

峽居民二三戶有防營會騎行 十三里清水河 五里

倒回溝即五里橋 五里青家峽有驛古寒林關也住行館計行

九十五里飲水苦鹹自高家堡迤西皆石附高山左臨深

處輒有缺口當依壁曲折緩行遇一車自西來在驛東五

里下坡時順勢直行從缺口墮澗底車馬粉碎人亦折臂

蓋中夫於途中無不瞌睡資由旅店內無若輩安臥處又

須屢起餒馬一經開車反謂其事已畢終日跨轅作夢情

亦可憐余於平坦處任其瞌睡遇險則呼之余欲詳記沿途形勢不敢假寐也

二十七日晴由青家驛西入山行蓮臺文嶺陡嘴三六里

尙家灣 二里賈家坡 二里大山川山勢略寬過此入

土峽升坡循右山麓 十里太平店 十五里馬家溝客

洞數穴有汛墩 十里翟家所憩堡內行館太平店西路

稍平飯後仍入山傍石山麓升降曲折度土橋三均名平

政 六里董家溝 三里天成堡 三里土地廟又曲折

行度土橋一 十二里張成堡 其東北爲金西甯縣址 下坡入澗底

卽會甯溝淺水平沙縱橫錯雜俗名七十二道腳不漚地

當深壑雨水多時山洪奔注無從趨避夏秋間不可行山

腰別有路 行程記言溝中土赤今日積雪乍融審視澗底無赤土兩旁山壁離地丈許有赤砂上仍黃土

絕壁崩塌改陡爲斜山水冲刷復改斜爲陡 陡斜無定赤砂黃土互相拚覆時隱時見也 五里尙家營

十五里三里坡始出溝穴居之民二三家 三里會甯

縣南關 保甯驛城東有碑題麒麟冢明天一里住城內枝

啟時立蓋叔季之世好言祥瑞也

陽書院計行九十三里知縣事松滋謝海峰寶文 會甯

漢安定郡祖厲縣南境故城在今縣西北一百八十里郭城驛 後屬武威郡

晉廢北魏改祖居縣屬龍東郡西魏置會州隋改會甯縣今靖遠縣

東唐宋為會甯關東境元和志會甯關在會甯縣東南一百八十里宋史會州敷文縣有會甯關南至平西砦四十四里北至黃河一百餘里又云元符元年築似宋關非唐故址矣甘肅通志會甯關在靖遠

西南一百二十里烏蘭金分保川縣今城北南境置西甯

縣東三十里屬秦州元徙會州治西甯後廢縣明改州曰會

甯縣徙今治隸鞏昌府縣東二里鴉嶂山自東北百里之屈吳山至此一束右支五峰曰古

堆坪山縣南二里桃花山土石皆赤南三里式虎山西南

二里馬原山東起隴山西至龜岩其上平廣百餘里形如

圓餅一名蒸餅山明行太僕牧地也城北二里龍頭山五里紫薇山西北二十里龜岩山 自青家驛以西數程水

味多鹹有窖藏  
雨水者尚可飲

二十八日寅出會甯西門參宿石欽眉月纔上循坡陟降

莫辨西東 五里王家河坡縣南有南玉河西北流至城南翟家所水西流入之又北

至郭城驛消河自東來安定水自南五里楊家溝十里來合為祖屬河西北至靖遠入黃河

雞兒嘴居民三四十家下坡入溝中西南行溝寬十餘丈

左右皆高原 二十里十道溝口安居人二十餘家一名

寨五里入土峽左轉出原上道旁多白楊行人或泐字也

五里道左有邨堡三四名新河 十里西鞏驛堡時當已正

本擬住青嵐山間山上雪大客車計行六十里水苦阻滯旅店不能容遂住西鞏驛館

二十九日自西鞏西行山間 十里宋家溝王公橋乾隆時建

昌府王廷璣創建土橋跨澗上東坡上路右土屋一家過  
履經重修矣有碑題永定橋

橋升坡愈曲愈高十里周家凹十甲青嵐山頂一名

晴嵐峪俗呼清涼山鋪戶二三十過此時入土峽時緣山脊俯

視左巖重疊如鱗殘雪半消黃白相錯成文二十里坡

頭上土屋二三由此下坡車轍中多冰凌三十餘曲而至

平地五里董家河五里安定縣東關延壽驛涉東河出城

東南四十里麻子入新城東門新城環舊城之一里任行  
川繞城北會西河南明正統時築

館計行六十一里知縣事郎縣崔祝庭學政沿途官場接

送者每日二三十人聞蘭州當道擬畱住皇華館遣人告

知省友借住浙江會館乙酉季冬先兄韞臣病沒安定縣  
於皇華館恐觸景傷心也

漢天水郡勇士縣今金縣境獬道地今隴西境唐為渭州西買馬之

所宋元豐初築定西城縣南屬通遠軍治古渭砦今隴西地金設定西

縣後升定西州領安西縣北三十里及通西縣南四十里元廢二縣

因地震更名安定州明降為縣隸鞏昌府安定政路自安定東南一百二

十里馬營六十里通渭縣三十里碧門關九十里鐵橋一

百十里張家川八十里故關六十里陝西隴州九十里胡

陽七十里鳳翔府安定西南四十里內官營二十里胡

麻嶺五十里連二灣六十里十八盤五十里狄道州安

定南行九十里通安驛九十里鞏昌府九十

里甯遠縣一百里伏羌縣一百二十里秦州

晦日寅發安定 一里出舊城北門過西河出城西四十里甸子川北

會東河又北至十八里十八里鋪居民二十餘家驛路仍

靖遠入祖厲河望見左右邨堡五六二里二十里鋪過

在兩山間甚平坦左山麓邨樹頗密

此路曲而凹 十里三十里鋪下小坡折而左又升坡

五里紅轡莊土屋兩家 五里峴口鎮土屋五六十瓦房

二三有水二道截民居爲三左負高巖上有小廟鎮西有

葛壘 八里梁家坪 八里秤鈎驛定安居民二三十戶飯

於行館出堡下斜坡五折土人肖其形曰秤鈎下坡片晌

卽升坡爲車道嶺之麓 五里打狼嘴土屋十餘 五里

平灘峴土屋三四 五里景家泉土屋七八爲嶺巔矣

四里魏家窩 四里下峴子顏垣數座俯視右崖有人家

過此路漸低 四里高家聚車路左依山壁右臨深壑

三里車道嶺人家五六定安六里白土窩金縣過此下陡坡百



餘丈得平路數十丈又下陡坡百餘丈始平坦 八里郝

家溝 五里甘草店

泉

鋪戶百餘進街西前路堡住行館

計行一百有六里知皋蘭縣事費縣賈益軒汝謙來

金泉兩屬

土民二百餘在道旁接鋪戶亦掛紅然鞭砲

十月朔壬辰自甘草店西北行 五里三墩營 八里稠

泥河

道北有何家口門

七里清水驛

金縣

一名屯軍鎮俗傳趙充國

屯軍處食於行館土民接者三四十

舊時清水鎮赴省驛路西行二十里三角

鎮四十五里定遠鎮三十五里東岡鎮三角迤西地頗崎嶇俗稱九溝十八坡回逆亂後人煙稀少移驛於金家崖

金縣治在驛西南三十里知縣事思茅封輔廷汝弼來

金縣漢金城郡榆中縣

金縣西北後漢靈帝紀注榆中在金城縣東

天水郡

士縣地北縣東晉省勇士移金城郡治榆中後漢董卓傳邊章韓遂敗走榆

中周慎引軍圍榆中城三國志孫堅傳注謂慎圍邊韓於金城似後漢之季金城郡已徙治榆中矣蘭州府志謂晉

金城郡治金城縣北魏因之隋屬金城縣唐屬五泉縣宋即今府治誤也

為蘭泉縣之龍谷寨縣南二十里金升為縣置金州領龍谷州治

定遠縣西北三十里二縣元并縣入州屬鞏昌路明為金縣屬臨

洮府成化中屬蘭州

國初屬臨洮今屬蘭州縣南五里有廟坡山二十里小龍峽二十五里棲雲山三十里駝頂

山龕山尖山今日驛路寬展邨堡絡繹五里大路口西南有通金縣

路五里東古城實堡也四里樊家營四里下西營泉

四里敖坪四里夏官營泉進堡堡西鋪戶二十餘過此

下坡就河灘行水落沙平小石嶙嶙大路循右山麓十里郭店子六里梁家灣

十五里登右岸爲梁家灣金縣卹樹扶疏溝渠暢達田多水

菸產五泉山麓紅泥溝爲最稍西卽岳家巷道二里上古卹道右有

堡三里金家崖金縣定遠驛移此鋪戶四五十多掛紅士民接

者二三十住行館計行六十六里泉金兩縣地多插花轆轤難辨

初二日寅發金家崖四里邴家灣三里寺兒溝鄉民

接者數次每次數十人間以爆竹時天未明姓名籍貫莫

辨也三里上官營四里買子溝泉金交界有水磨四里

賀家店金縣上下土峽二里鐵鉞口五里響水子東坪

鋪戶十餘下坡過水或云卽鄉注之苑川水又升坡爲響水子西坪

泉鋪戶二十餘 五里大水洞 五里桑園子明肅藩種

桑處山勢漸合小石滿地車顛甚有桑園子腰站居民十

數戶右厓下即黃河為眾山所束深不可測邨西下坡為

桑園峽有坊題提督府過此又上坡行亂山中 二里燕兒灣山

缺處俯見黃河南岸間有長城遺址長城不始於秦皇三日知錄考論最詳三

里巖望溝 五里下坡即東岡鎮面山背河街道平直知鋪戶百餘街西有堡

蘭州府事羅山丁巡卿振鐸來遊東岡鎮歧路東南十里張家坪十里太平溝十

里豬嘴嶺十五里謝家嘴十三里速搭溝十里石頭溝十

里金縣折西南十五里興隆山峽二十里黑羊嘴過馬街

山三十里好水溝臘十里田家廟十里劉家灘十里焉

家溝十里高崖子十五里新添鋪南四十里狄道州 五

里深溝子 五里空心墩倚長城為大臺旁有居民一二

十戶 三里劉順堡有碑題理學名臣段容思先生故里

段容思名堅童時有志聖賢年十七祖沒自其父治喪不用浮屠景泰初請罷天下佛老疏奏不行歷仕福山縣萊州府南陽府所至改僧尼寺觀爲書院 五里蘭州城外望有德政詳明史及馮恭定公關學編

見五泉山 家君至東關楊石泉宮保署布政使裕吉臣

裕按察使新建程薦南鼎芬蘭州道清泉黃冰臣雲行請

聖安禮省中文武一百八十餘人暨紳商鄉民絡繹接於

郊外進東關門曰迎恩 三里進南門名皋蘭 一里住

南府街浙江會館計行六十七里陝省至此一千四百三

十二里 內自涇州白楊坡至此甘肅行省禹貢雍州西境

夏殷周三代戎狄錯處秦孝公威服羗戎九十二國昭王

滅義渠始有隴西北地始皇築長城起於臨洮置隴西北地二郡

漢屬涼州刺史初統隴西天水安定北地四郡後逐匈奴開河西四郡張掖武威酒泉敦煌也平西

夷增武都郡屬益州昭帝又置金城郡獻帝興平元年分涼州河西四郡為

雍州晉置秦州治上邦今統六郡隴西南安天水涼州統

八郡金城西平武威張掖西海而以安定北地隸雍州其後張

軌呂光等割據五涼與中土隔絕隋分屬雍安定北地宏

鹽川靈武天水隴西金城枹罕澆梁漢陽臨洮宕昌武都

河西平武威張掖敦煌西海等郡梁同昌隋漢陽郡今

階州成縣境宕昌今岷州二州唐屬隴右道秦臨渭蘭河

東南同昌今文縣西北道經南原慶靈寶應後隴

宕鄯廓涼甘肅瓜沙等州景福初改武州為階州關內道會鹽夏諸州

熙河秦鳳河隴復爲西夏所據元立甘肅行省治甘肅明隸

於陝西布政使臨洮鞏昌平涼慶陽四府而總督巡撫因事特設

國初甘肅巡撫駐甘州甯夏巡撫駐甯夏陝甘總督駐固

原布按二使統於陝西皆循明制也康熙初年移陝西右

布政駐鞏昌並置按察使移總督駐西安罷甯夏巡撫移

甘肅巡撫駐蘭州八年移鞏昌布政使駐蘭州改爲甘肅

布政使乾隆二十九年罷巡撫以陝甘總督兼行甘肅巡

撫事移駐蘭州甘肅通志蘭州府志狄道州志俱不言臨洮曾建省會蘭州督署碑匾有康熙五年

以後各巡撫銜名是康熙中巡撫布按無移駐臨洮之事

又乾隆三年巡撫元展成請改府治疏甘省會城在蘭州

有廳州而無郡縣是乾隆以前巡撫恆在蘭州而

皇朝文獻通考謂康熙八年以後巡撫布按俱移治臨洮

不知纂修諸官兼古臨蘭州府洮秦始皇辟地以河為竟創設隴西郡治狄

何所據而云然秦始皇辟地以河為竟創設隴西郡治狄

抱罕故罕羌侯秦始皇辟地以河為竟創設隴西郡治狄

邑孫道縣戎邑秦始皇辟地以河為竟創設隴西郡治狄

道今州南里許俗名番城自漢迄唐州郡皆治此宋改築

西熙州城即今州治又府屬渭源縣為漢首陽縣亦屬隴

西漢景帝時羌陷何等率種人求守隴西塞徙於狄道安

故臨洮氏道諸縣武帝始築令居塞元鼎以後為隴西安

定天水武威四郡接壤今靖遠漢祖厲縣屬安定郡金縣

媼園縣屬時先零羌趙充國傳注零音憐余按今撒拉

武威郡時先零羌趙充國傳注零音憐余按今撒拉

匈奴通其攻令居安故園抱罕漢將李息徐自為將兵十

萬擊之西羌相距五六年乃定趙充昭帝分置金城郡治

允吾馬援傳允吾谷西通唐翼谷蓋唐述山東麓為唐翼

谷又東為允吾光武本紀注允吾在蘭州廣武縣西



南今平番縣西南也水經注河水東歷鳳林北又東與灘水合又東洮水注之又東過允吾縣河水逕其南浩疊水東至允吾入湟湟水東逕允吾縣北又東逕允吾故城南又東逕枝陽縣逆水出允吾縣參街谷東南流逕廣武西枝陽南入於湟湟水又東注河河水東逕石城南又東南逕金城縣故城北又東過榆中縣北過天水北界苑川水出勇士縣之子城南山北入於河綜核形勢允吾縣地大半在湟水北允吾街之東枝陽之西允吾街疑在平番西南審街堡迤東地漢地志允本音鈐蓋傳訛爲審也而允吾縣故城則在湟水南黃河北與允吾街隔水相直當今平番碾伯河州皋蘭四邑接壤湟黃二流之交焦家河張黨堡等地河州極北邊境其允吾所治顯河水東逕石城者蓋今平番苦水驛南皋蘭青石寨之間也苻秦將梁熙伐涼自青石津攻河會城隋志允吾縣有青巖山當在是矣河又東南逕金城縣者蓋自洮河口以下河折西北繞過牛鼻峽轉向東北至青石關復折東南其東爲新城堡一名積堡距府七十里殆卽漢之金城縣

傳注榆中故城在蘭州金城縣中是二城相近也又東四十里皋蘭爲勇士縣所屬之子城又東至金縣北則勇士

境矣舊皋蘭縣志以西古城爲允吾則在枝陽東南與  
鄯注允吾在西南者不符皋蘭新志謂允吾作郡治在  
宜帝以後若昭帝時豈得越令居枝陽而取允吾金城名  
郡則郡之所在可知余按此說無稽允吾東接金城其北  
爲枝陽令居取允吾無須越令居二縣也新志謂允吾在  
枝陽西南是也以大通河入湟處之享堂爲允吾東北境  
以享堂西南爲浩疊縣地皆非也元和志龍支縣本漢  
允吾縣地蓋指允吾西境非謂故縣在龍支也海鹽俞浩  
西域考古錄據元和志之說遂謂允吾在破羌南亦未確  
破羌卽今碾伯縣其東南境或與允吾接耳顧氏方輿  
紀要引杜佑曰允吾在廣武西南一云在州西南五十里  
是也其在州西北者則隋改廣武郡所置之允吾縣在莊  
浪界非漢允吾也余按漢志謂浩疊水東至允吾入湟  
湟水東至允吾入河鄯注與漢志合杜說本屬存疑使漢  
允吾果在蘭州西五十里則與  
浩疊湟水二口遠不相涉矣  
宣帝元康中先零羌楊王

首爲叛逆寇金城趙充國破平之置金城屬國以處降羌  
元帝永光初三姐羌攻隴西府寺燔燒置亭馮奉世大破

之更始時隴西金城附於隗囂而羌復為寇囂不能討乃

慰納其眾與漢相拒羌封何據金城郡後漢建武初竇融

擊破之然屬縣多為虜有馬援傳十年來歙破之於金城襲

武十一年馬援破之於臨洮允吾詔客民悉還置降羌於

天水隴西十二年省金城屬隴西光武本紀明年復置時為金

城隴西郡國志以金城所屬枹罕白石河關三縣改屬隴西天水武威四郡接壤祖厲

縣改屬武威中元二年燒當牢姐諸羌復叛隴西天水吏士多

戰沒明帝永平元年遣竇固馬武討平之徙降羌七千口置三輔十

七年更天水郡曰漢陽章帝建初二年保塞諸羌反敗金

城太守寇隴西漢陽馬防耿恭來討始降元和章和之間

寇塞者三和帝永元時數經叛亂安帝永初中先零諸種

大為寇漢將屢敗破沒臨洮羌滇零自稱天子於北地掠

斷隴道於是廢金城隴西郡並移治襄武今鞏昌府隴西縣百姓死亡大

半連兵十餘歲至延光三年郡治始復故陽嘉以後漢德

日替戎禍相尋雖有皇甫規段熲諸將屢立戰功迄難久安靈帝中平初湟中

胡先零羌並叛攻殺金城太守三年韓遂殺賊將而據之

董卓傳并陷隴西建安十九年曹操使夏侯淵擊之韓遂徙

金城入氐部三國志復敗走西平為其下所殺初宋建聚眾

枹罕稱王改元已三十年于是夏侯淵屠枹罕斬建謂諸

家地志以漢魏迄唐之枹罕皆即今河州治按水經注灘水東逕枹罕縣故城下文又別出枹罕城則後魏枹罕非

漢之枹罕矣似漢故城在今州南大良河濱延康元年武都氏王楊僕內附率

種人居漢陽曹魏既竄列郡與漢同晉爲金城徙治榆中廢允吾令

居枝隴西枹罕安故大夏二郡天水之勇士武威惠帝增

置狄道郡分隴西之狄道臨洮河關三縣又立洮陽遂平武街始興第五真仇六縣合九縣置狄道郡按

漢晉臨洮縣在今岷州境河關或云皋蘭西南洮懷帝永

陽今洮州廳西舊洮堡武街在狄道東渭源西

嘉末涼州刺史張軌表請分置晉興郡崔鴻作興晉今蘭

伯縣領十縣晉興枹罕永固臨津臨郭廣昌大夏遂興罕

東唐左南按水固即漢白石縣在河州西南臨

津在河州西北百二十里循化廳界大東晉元帝永昌時

夏河州東南七十里左南河州東北

前涼張茂增置定州統武興金城西平安故四郡按武興

今狄道南今武威縣北西平今西甯縣境安故

四十七里匈奴別種休屠石武據桑城今狄道西降於

劉曜明帝太甯初劉曜攻涼枹罕臨洮沒於前趙三年張

駿復取枹罕成帝咸和二年與趙軍戰敗於沃干嶺失金

城枹罕五年駿因曜亡復收河南地置武街石門侯和與

石勒分境按侯和即北魏洪和郡在咸康元年創設河州

洮州臨洮川甘松皆洮南土司地刺史治枹罕統金城興晉武始南安永晉大夏武城漢中

刺史等郡按駿所立武始郡即以晉狄道縣故城改而今

狄道北七十里有武始城則後魏武始郡治也南安郡穆

治縣道今隴西縣東南武城河州東漢中亦河州境

帝永和初張重華立石虎遣將麻秋等屢來攻金城大夏

武街枹罕嘗陷於後趙石虎亡復爲涼有帝奕太和中苻

堅使王猛攻張天錫隴西枹罕諸郡皆屬前秦置涼州太和

二年治枹罕六年移金城河州太和六年治武初鮮卑乞

太元初滅涼徙於姑臧始旋還枹罕

伏部入居高平川

今固原州

南至牽屯

即開頭

西及苑川

郿注作苑川出

勇士縣今金縣之清水也

士馬強盛太和六年秦將王統襲乞伏司繁

於度堅山

今靖遠縣西

破降之孝武太元十年苻堅敗司繁子

國仁自稱大單于

改元建義

傳弟乾歸稱河南王

改元太初

遷都金

城

秦苻登署乾歸爲金城王

枹罕羌來附設北河州刺史二十年乾歸

自稱秦王遷都西城

郿注東西二苑城西城卽乞佛所都

後涼數來侵安帝

隆安元年枹罕金城臨洮武始河關皆陷而金城又爲南

涼秃髮烏孤所奪四年乾歸遷都苑川旋敗降於姚秦秦

令乾歸子熾磐鎮苑川築城於嶠岷山

元和志在五泉縣南一百四十里今

泉蘭縣南六十里抵狄道州界則康嶠在狄道矣

義熙五年乾歸逃還度堅山復

稱王

改元更始

六年拔金城隴西諸郡仍都苑川

改金城曰東金城置武威

郡於

八年徙譚郊

河州西北百餘里

子熾磐立遷枹罕

改元永康越二年滅

南涼殺傳檀恭帝元熙中破吐谷渾於弱水破羌於溫川又改元建宏

劉宋元嘉三年赫連

夏來攻遷保定連城

河州東南

五年子暮末立

改元永康

北涼沮渠

蒙遜屢來伐八年暮末畏逼降於北魏焚城邑走南安爲

夏所滅是歲吐谷渾滅夏吐谷渾者本遼東鮮卑也晉永

嘉時由陰山度隴止於枹罕子孫據有西零已西

從洮水西南至

白九傳至慕瓚當北魏太武帝延和初禽夏主定以獻太

武策拜西秦王於是金城枹罕隴西皆沒於吐谷渾

苻通於宋

宋文帝封爲隴西王

太平眞君時討破之置枹罕鎮孝文帝太和中



改爲河州領金城郡

屬縣二曰榆中爲郡治曰大夏獻文帝皇興三年省置大夏郡尋復爲縣

武始郡

屬縣三曰勇田爲郡治眞君八年置勇田郡尋廢在今狄道北曰狄道曰陽素時河州又領洪和臨

洮二郡與今

其首陽縣仍屬隴西郡

郡屬

復置祖居縣卽

隴州境無涉

改屬隴東郡

郡屬涇州

按北魏晉分金城爲建昌郡

涼州則所治榆中非金城之榆中矣未詳所在治城在河州西北百一十里後以治城析置東涇郡屬縣一

魏置于城縣移金城郡治焉改首陽爲渭源郡於河州增

鳳林縣

州西北八十里

又創設會州會甯縣

在靖遠縣東北隋開非今會甯縣也

皇初置蘭州總管府大業初廢爲金城郡

統縣二曰金城卽于城也曰狄

道枹罕郡

統縣四枹罕大夏又龍支水池不在蘭州境及龍支今張伯西南水池今洮州北百六十里

隴西郡之渭源縣平涼郡之會甯縣隋末西突厥別部據

會南川後降於李軌金城校尉辭舉起兵陷枹罕隴西自稱西秦霸王

建元秦興徙據天水其傳子仁果為唐太宗所破置蘭州

時枹罕曾為李軌所奪貞觀初改栗州又改會州天寶初改金城郡狄道郡安鄉

河州西會州貞觀初改栗州又改會州郡以鳳林縣改新會南郡乾元初復改為蘭州領縣二曰金

郡唐志作安昌城也曰廣武今平番西南新唐志云乾元初更廣武為金城元和志無此說臨州領縣二曰狄

寶時名安樂在狄河州領縣三曰枹罕曰大夏曰鳳林漢

道州西三十六里河州白石也舊唐志云貞觀初置烏州

十一年改安鄉縣天寶初改為鳳林而元和志云儀鳳初

於河州西移安鄉縣理此新唐志河州西南四十里有

平夷城州西八十里索恭川有天成軍西百餘里鵬窠城

有振威軍西百八十里領縣二曰會南曰烏蘭今靖其渭

循化界則唐鎮西會州遠南百四十里漢祖厲境也其渭

源縣則屬渭州寶應元年吐蕃陷臨州渭州廣德元年陷

辛卯侍行記卷三

三

河州蘭州自是隴右盡淪越八十餘歲宣宗大初中吐蕃

內亂虜將尙延心獻河渭二州

仍以延心爲河渭等州都遊奕使

華夷雜

處

蕃部散居涇慶河渭甘肅諸州有熟戶生戶之目

唐衰不能撫治羈縻而已五

代及宋吐蕃散渙有欺南陵溫者生於高昌國河州諸羌

識爲贊普之後

贊普謂主也

迎歸立之號唃廝囉

猶言佛子也

徙居

宗哥城

宋史吐蕃傳宗哥東至蘭州三百里南至河州四百十五里地理志龍支城舊宗哥西至保塞砦界

二十里保塞西至西甯州界三十里方與紀要西甯東南八十里漢龍者城西魏隋唐龍支縣吐蕃號宗哥甘肅

通志河州北一百四十里龍支城宋爲宗哥西甯府志漢龍支在西甯縣西隋唐龍支在碾伯西南宋龍支在碾伯

南乃宗哥城或混爲一誤也

役屬蘭州諸羌

大中祥符時曹瑋言宗哥唃廝囉率馬銜山蘭州龍

谷河洮羌兵至伏羌砦

又得回紇種人數萬仁宗時朝議欲藉以扼

西夏授厮囉甯遠大將軍愛州團練使復徙居青唐今西甯西

南景祐中加授保順軍節度夏元昊攻宗哥敗歸復攻蘭

州至馬銜山築城凡川省志作瓦川會城厮囉以其子董璘為會

州刺史子瞎璘居龕谷金縣南磨璘角居宗哥皆授團練使英宗

治平二年董璘嗣為節度瞎璘子木征居河州安江城神

宗熙甯初王韶上平戎策謂欲取西夏當先復河湟帝以

韶知通遠軍今隴西縣五年引兵作渭源堡今縣西北潛師越武勝

吐蕃稱狄道建城為鎮洮軍更名熙州領縣一曰狄道堡九渭源屬焉更於

州北六十五年取河州縣一枹罕後省崇甯四年升甯

里築臨洮堡為州治於州東四十五里別置甯河砦甘肅通志甯河廢縣在河州南六十里又云唐枹罕舊城在州東二里宋城

在西二十里元然無租入軍食仰給他道王韶傳木征攻殺

河州將景思立王韶擊降之紀李憲傳均作木征董璲仍

備藩青唐元豐四年封武威郡王元祐初養子于闐人阿

殺元符中其部賊貳立廝囉曾孫朮移爲主授河西節度

西蕃都護知鄯州封武威郡公賜姓名趙懷德其弟國懷

義授廓州團練使同知湟州崇寧初元豐四年詔宦者李

王厚復湟鄯懷德入朝封安化郡王

憲爲熙河經制會五路之師伐夏敗夏人於西市新城州

東南七及汝遮谷州東三十五里復蘭州領縣一曰蘭泉

領龍谷東關董璲及蘭州首領巴令謁等三族率所部效

順五年宋師大敗於永樂陝西米脂縣西夏人屢攻蘭州哲宗立

御史劉摯論憲合功生事欺罔遣患貶秩元祐初夏主秉

常求蘭州等五砦不許

蘇轍兩疏請與之司馬光言安危

起新開數砦皆是被旧今新而不與彼必曰我卑辭厚禮恭順無益不若以武力取之當此之時不得已而與之其為國恥甚於今日羣臣見小忘大惜此無用之地使兵連不解願決聖心為兆民計文彥博意與光合范育王厚等力爭之不果與三年攻龍谷砦及東關堡  
明年以來脂紹聖初再

議易蘭州不允數寇邊元符元年知蘭州王舜臣討夏人

於塞外

哲宗本紀

二年夏國蘭會正鈴轄革瓦孃以部落降

夏國

傳

作會川城

靖遠西南七十里

復會州

崇甯三年置倚郭縣曰敷文

徽宗崇甯

二年取吐蕃一公城改名循化

河州西南一百三十里今循化廳東

政和

四年宦者童貫為陝西經略駐蘭州會師攻夏連兵五歲

王厚大敗於臧底河劉法大敗於統安城貫隱之以捷聞

夏稱藩於金

金約夏主乾順侵宋並為夏國索地

金太宗天會九年取熙河

蘭諸州以昇僞齊劉豫既滅仍歸於金熙宗皇統初置熙

秦路世宗大定時改臨洮路領臨洮府

縣三日狄道即宋熙州城曰當川在

狄道西四十里曰康蘭州縣三日定遠今金縣西北三十

里曰會州縣三日保川即宋敷文也河

州縣二曰枹而渭源堡屬康樂縣循化城屬積石州本吐

番城宋為積石軍今元為臨洮路縣二狄道渭源至元金

州至元七年併蘭州初領阿干河州路縣三日定羌本吐

羌在河州東南一百里曰甯吐蕃宣慰司亦駐河州而會

州徙於西甯縣今會甯明初馮勝鄧愈略定隴右置臨洮

府領州二年

明初降蘭州為蘭縣成化中復升州又洪武六年置河州府領甯河安鄉二縣十二年皆廢成

化時縣三

狄道渭源金縣隸陝西行省並置蘭州河州二

置州縣三

自龕谷移今所隸陝西行省並置蘭州河州二

衛隸陝西行都司

亦治河州正統初於會州廢城置靖虜衛屬

固原鎮

景帝天順中韃靼部族潛據河套正德五年虜入

掠萬歷中拓蘭州河北地築紅水永泰保定等五城堡環

以長垣名為新邊河州西南二十四關所以限西番而回

紇種族近居堂奧是三百年前漢人吏民皆夷視番而華

視回矣回其忍白外乎明太祖命十四子模為肅王建

文時自甘州移藩蘭州入傳王識鉉崇禎末

李自成陷蘭州識鉉與妻孥僚友皆死之

國初臨洮府轄同明制改靖虜衛為靖遠衛康熙五年甘

肅巡撫劉斗自涼州徙牙於蘭州雍正二年川陝總督年

羹堯奏改靖遠衛為廳四年廢臨洮河州蘭州三衛歸州



縣管轄八年改設靖遠縣屬鞏昌府乾隆三年巡撫元展

成以省會無府縣疏請改設四年升蘭州爲府設皋蘭縣

於河北三百里寬溝堡設縣改臨洮府爲狄道州與金縣

渭源縣河州同屬蘭州府割鞏昌府之靖遠縣來屬

歸德所屬西甯府二十七年以河州同知駐循化道光三年陝甘

總督那彥成奏請以循化廳屬西甯府

同眾應之戕官據城蔓及鞏昌擁立僞延長王朱識鏐副

將馬甯遊擊張勇擊平之康熙十四年平涼提督王輔臣

叛應吳三桂分陷蘭州臨洮河州提督張勇總兵王進寶

等平之乾隆二十六年安定回族馬明心創立新教四十

六年春循化撒拉回蘇四十三爭教肇變陷河州攻省城

據華林山大學上阿桂來討六月乃定越三年周原所屬

新教回民田五叛破西安堡掠靖遠總督李侍堯剿敗之

田五傷斃餘黨張文慶等糾聚迤渭北之石峰堡福康安

督師阿桂繼進自夏至秋僅而克之同治初元河州同亂  
狄道金縣相繼殘破四年楊岳斌爲總督其中軍副將楊  
占鼐妄人也總督以同鄉故倚爲謀主薄標兵不與餉十  
一月標兵因飢謀亂占鼐撫慰之允卽與餉不數日占鼐  
委署涼州鎮餉不果發亦不告總督戒備五年春總督赴  
慶陽等防三月初三日標兵殺督署幕客親兵四百餘人  
凡湘楚人皆不免擄至藩署後營守備席光斗排解之以  
藩司林之望奏劾總督之意宜示於眾眾遂出賊烏獸散  
四五月間募新兵入督標市井間人多應募六月總督還  
省殺席光斗以新兵爲叛兵殺六七百人楚軍復私殺數  
百人自是無督標兵總督引疾去甯夏將軍穆圖善署督  
印六年八月河州回匪犯蘭州安字營營官彭某陣亡調  
河州鎮三營擊卻之湘軍記謂兵變殺皋蘭縣鄧承偉平  
定關隴紀略謂回匪圍城楚軍彭楚漢擊走之皆誤也河  
州回酋馬占鼐欲納款於穆圖善其黨閻殿臣不願燒五  
泉山民舍佛宇以撓之總督左宗棠率師度隴十年進駐  
安定遣將規梟罕馬占鼐謂其眾曰吾儕將圖大事乎抑  
議和平蓋官軍受降彼稱議和也回眾無大志咸曰吾儕  
祇期復仇雪忿飽所欲耳終當和占鼐曰今楚軍氣盛遠  
和安能保富貴必挫其銳氣乃可十一年正月遣悍黨迎

拒又分布善槍者伏穴狙擊兩敗官軍於三甲集提督傳  
先宗徐文秀等戰歿陳湜各營皆退舍省會大震而馬占  
鼉降書至幸得撫定占鼉以下各回酋受職有差總兵沈  
玉遂蒞任河州時鼉事猶定經戰士卒陸續告假河狄一  
帶尚有防軍三十餘營期年之後士盡更替來自田間未  
諳火器將校自滿不復演習十三年冬閔殿臣復叛沈玉  
遂及張仲春凌春臺各軍倉猝潰敗河州甯河皆被圍署  
西甯道劉錦棠由積石關開道赴援累戰平之蘭州府  
縣志攷據欠精久未續修聞臬蘭張敦五  
比部國常擬重輯縣志未知何日告竣

### 蘭州歧路

附

省城赴河州有三道一由省南行四十里阿干鎮二十

里關山

卽摩雲嶺

三十里中鋪三十里沙泥站

狄道州判駐

三十

里新店十里康家崖

崖東南十里新添堡四十里狄道州城北至省會東南至鞏昌西北

至河州西南至洮州廳均二百餘里

折西南渡洮十里

狄道直西小徑至太子寺九十里

三甲集

同莊

四十里太子寺

河州州判駐自寺堡直西由那力寺至河州較近所經皆

回族路又險峯漢人少行寺西南六十里甯河鎮六十里河州此驛道繞行者也

三十里買家

巷西二十里黑茨溝折西北四十里河州

其三百一由里通車

省西南行二十里岡家營二十里箭山四十里漫坪

東

距沙泥二十里白厓渡洮水即唐汪川

多回民有牛心山

三十

里大灣三十里陳溝二十里鎖南壩三十里摺橋

大夏河

十里河州

其二百二十里

一由省西行二十里崔家崖折西南

二十里漣溝六十里達什波羅六十里劉家峽

渡黃河此處河

折西北流東

三十里白塔寺

瀕河水東北流

三十里蓮花渡

又過

南有洮水口黃折南四十里河州

其二百六十里上二路皆不通車

河州赴循化二路一由西北一百二十里積石關山峽小徑

關北十里抵黃三十里孟達工傍河南岸行西四十里清水

河為礮伯縣界工十里循化廳一由河州西南五十里韓家集韓土司所屬珍

珠族屬折西北三十里老鴉關屬河州關東三里二十

循化里盤坡驛二十里過阿木你打拉加起臺堡以下依起

行三十里立輪驛撒拉爾族張朶工地界朶係四十里

清水工十里循化廳此驛路不通車循化西北行十

都堂堡折北六十里巴燕戎格廳西北行六十里札什

巴堡轉東北六十里平戎驛循洩水西北行七十里西

甯府五十里鎮海堡四十里丹噶爾廳西南六十里哈

拉庫圖營接青海界循化東南三十里張朶工折西

南十里崖慢工皆撒拉地十里夕廠溝有東鄉番五寨

南行五十里甘家川居捏工山之西莽刺川之東番族

插帳遊牧地五十里拉布楞寺南番十一寨南抵和碩  
特南石翼中旗地拉布楞南有達那河俗呼大夏河  
之上游也沿河東北行四十里拉家寺五十五里沙溝  
寺十五里哈家寺寺東踰山即河州老鴉關寺南七十  
里黑錯寺黑錯東北一日程卡家寺又東北二百餘里  
至石嘴關河州商旅赴南番貿易之徑也黑錯東南五  
十里買吾寺八十里根爺入洮州番地六十里舊洮城  
四十里楊土司卓尼城今土司楊作霖已傳十六世所  
轄四十八族十二章哈族封疆千餘里儼然牧伯也卓  
尼東南渡洮入岷山經上鐵布下鐵布野番上下包坐  
寨共八日至四道城循化西南行四十里邊堵溝十里  
爲四川松潘北境

邊堵塘邊堵番七寨二十里尕楞溝有下隆務西番六寨三十里上隆  
務二十里保安營小堡在山上有都司二十里吳屯前明吳李等四姓防戍番

此言語衣服變從十里隆務寺上隆務西番十六寨寺東一百二十里有阿巴  
番族謂之土民  
那西番八寨又東南一百十里即拉布楞矣隆務西南  
約百里有小速古山又西南合兒番五寨葉什羣上八

族及沙布朗賀木等族遊牧地長二百循化正西四十餘里當西傾山北隆務清水二河之間

里查漢大寺二十里過清水河入貴德界西北沿黃河行四十里

革初塘十里康家寨三十里李家峽西南有鐵瓦寺上六族贊咱三族

二十里雙布塘南為他爾四十里汪佐塘南有札折西

二十里札麻山十里白石崖南有東山番族三十里下河墩有南

麻巴族十里貴德廳廳正南二百餘里至莫卻山及速古山此路左右盡是番族又南為

庫克烏松山南接和廳西十里下關門明洪武初因古邊牆築長八里

池南曰十里爾多拉山北有龍羊堡西南十里三泉山十里

西把切山有羔十里撒通墩十里下拉安十里上拉安

族二族西北有山瀕河曰龍羊六十里沙溝又西南百

峽北接和碩特南右翼末旗

餘里至圖爾根山有哈克河一名扎拉水西流入黃河踰河抵青海屬札薩克喇嘛察罕諾們罕界

辛卯侍行記卷三終



